

transferatur; ac quotiescunque vesicam aut alvum exonerare cupit, eidem pelvis ex orichalco, aut ea quam *Gr. Fabr. Hildanus* descripsit, supponatur; & hoc modo animi deliquia eò certius declinabuntur.

Aër in conclavi vel cubiculo saepius suffumigando accensis lignis juniperinis aut abiegnis corrigendus est, ut supra sect. 11. cap. 3. jam protulimus.

CAPUT XX. *Quomodo aeger in statu convalescentiae tractandus.*

Quamprimùm morbus declinare incipit, appetentiaque ciborum aegro redit, ventriculus non statim multus crudis concoctuque difficilibus, aut supra jam interdictis cibis onerari debet, aliàs perfacile recidivas efficeret febris; sed de die in diem ita paulatim dimensus cibus augendus, usque dum tandem ventriculus liberaliora ingesta absque omni molestia ferat, nulloque labore digerat.

Vinum non concedatur, donec stomachus modicam ciborum quantitatem retinere possit; quod si fiat, in prandio & coena aqua dilutum modica quantitate hauriendum; extra autem hoc tempus vitari debet. Non dandum in febre, nisi veteribus, vinum, nec nisi declinante morbo *Plin. histor. nat. lib. 23. cap. 1.* memoriae prodidit.

Si post uberem nutritionem serotum intumescat inflammatione, unguentum *Jovis cum magmate suo* calide saepius imponatur; intus verò profunt diaphoretica, ut in morbo praegresso.

Si verò decumbenti in statu convalescentiae pedes intumescant oedemate, mane ac vespere hæc somnifatio pedibus prodest, si per mediam horam vaporem calidum inde emanantem excipiat, quæ sic paratur:

*℞. Salvia, flor. chamameli, serpilli, origani, ramul. pinastri, baccar. junip. singul. manip. ij. vel iij. decoquantur in aqua aut vino albo aliquamdiu; dein omnia simul in siculam fundantur; utque vapor fervidus pedes ubertim lambat, silices, lateres, aut recamenta ferri ignita per vices immergenda; pedes operculo sicula cancellato mox insistant, ac lentis circum quaque muniantur, quo vapor eò fortiter versus pedes feratur.*

Interne, corpore intumescente, prodest salis polyebrestii  $\mathfrak{z}\mathfrak{ss}$ . vel antim. diaph. ac flor. salis ammoniaci sing.  $\mathfrak{d}\mathfrak{j}$ . si in jure salis experte assamantur.

Moderatae corporis motiones instituantur; ægerque diutius ob virium debilitatem extra lectum non ambulet; vires tamen omnes brevi tempore, ubi aëre simul exteriore iterum frui datur, recolligantur.

Alvus quotidie suum faciat officium, necesse est. Veneri immaturius non licet; ira, timor, ac terror vitentur.

Si corpus omni humido spoliatum sit, conducit per 1. hebdomadas serum lactis caprilli, mane ac vespere calide ad  $\mathfrak{z}\mathfrak{x}\mathfrak{i}\mathfrak{j}$ . potum, in effeto spiritibusque orbo sanguine, plerisque sensus hebescente, apparenciam sitinque naturalem suspendente, succus nasturtii recens ad cochlearia 3. vel 4. in jure non salico, mane ac vespere, per duas hebdomadas calide potus admodum efficax erit.

Intertrigo emplastro saturnino aut spermatis ranarum eluditur; si verò sub cute sphacelus delitescat, excindendus, ac unguento *Aegyptiaco* separandus, & sic aliud ulcus sanandus est.

Quod reliquum est, ex sect. 11. ubi vitæ victusque ratio præscribitur, hic repetatur.

Faxit D. O. M. ut omnia, quæ hic proposuimus, in gloriam ejus sempiternam, miserorum salutem, medicæque artis honorem cedant. Cujus sanctissimæ voluntati, æviterne providentiæ, imperscrutabili sapientiæ, ac infinitæ misericordiæ nos, ac nostra studia, hand fucata mente, supplices commendamus. *Hactenus HENRICUS SCRETA.*

DAVIDIS HAMILTON,

Equitis Aurati, Regalis Societatis Londinensis utriusque SOCI, *Nec-non* Magnæ Britanniae REGINAE Medici Ordinarii,

TRACTATUS

de FEBRE MILIARI seu VESICULARI; (*quæ ad malignas suo modo pertinet, & Puerperis sapissime funesta est.*) Accessit FEBRIS MILIARIS HISTORIARUM FASCICULUS.

*De Nomine hujus Morbi, Genere, & Speciebus.*

Febris Miliaris, à Pustulis sive Vesiculis, Seminis Milii speciem quodammodo præ se ferentibus, & præcipuè circa Partes superiores apparentibus, Nomen accepit. Mihi tamen videretur potius nominari debere Febris Vesicularis. Quia Pustulæ sunt Vesiculæ, primò sero limpidò, deinceps subalbo, Perlarum colore non absimili, plenæ.

Non desunt, qui Febres solummodo Pestilentiales Petechialesque opinantur Malignis adnumerandas. Censeo tamen & alias, Specie diversas, Malignarum Classi debere referri.

Primo, quascunque febres vel contactu, halitave, vel quavis alia Contagione trahantur.

Deinde, & istiusmodi Febres quas statim ab Initio Dolor vehemens, & alicui Parti affixus comitatur, viz. Capiti aut Intestinorum Renuave Regioni, aut etiam Artibus. Pariter ac si Egrotus Cephalalgia, vel Dolore Colico, aut Nephritico, vel Podagrâ, aut Rheumatismo, vel etiam Doloribus Parturientis, tanquam originali Morbo, laborasset. Cum tamen istiusmodi Febris Miliaris Symptomata haud iis cessura sint Remediis, quæ, ubi Morbi ita nominati primarii sunt, valere solent.

Porro, & in quibus Spiritus Animales subito opprimuntur & deliciunt; Et ubi prædicta Symptomata à nulla Causâ evidenti, sed à veneno quodam latente, pendere videntur: ab Antiquis Occulæ Qualitatis, à Neotericis Vaporum nomine designato.

Vel demum, ubi ex Causâ, ut videtur, non absimili, spem Salutis subitanea Mors excipit. Quæ omnia, ut Malignitatem ostendunt, ita & in Febre Miliari observavi accidisse.

Et notatu dignum est, hanc Febrem eadem Malignitate ac Petechialis apud Indos grassari.

Hæc Febris specie duplex est, Simplex & Composita. Smplicem dico, quoties Pustulæ erumpunt nullæ, præter Miliares, de quâ hic dissertatur sum. Complexam, cum Pustula Papillares rubræ, Miliaribus sint interspersæ; quæque ubi solitariae sunt, à *Rash*, vulgò appellantur.

Et notandum est: Pustulas Miliaries nonnunquam Variolis

Variolis immisceri, easque, dum intumescunt Variolæ, paulatim exarescere: Verùm post exiccatas Papillares superflites manere.

*Febris Miliaris Descriptio.*

Quo melius Febris Miliaris Historiam perscribam; Antecedentia, Concomitantia, & Consequentia enumerare placet.

Antecedunt, Conditio Corporis imbecillis, siue ea Naturalis est, siue ex Evacuationibus supra modum factis, Victuæ nimis parco Adventitia; Sanguis serosior: Mens imbecillior & timidiuscula ac facilius læsa ab externis, ut in Fœminis & effeminatis Viris. Cogitatio multa & intensa, aut mœstitia. Obstructio, vel Ulcus in aliquâ parte cum Dolore conjunctum. Unde Dolore Colico, aut Calculo, aut Renum ulcere, Podagra diu affecti, huic Febrî magis sunt obnoxii. Calor etiam internus in Mulieribus, cum vel sine Siti, & præcipuè sub tempore Puerperii; unde & Partus Dolores minus solito vehementes sunt, & Spiritus sine causâ evidente admodum deprimuntur, cum oppressione Pectoris suspiria cogente. Quibus, ut in aliis Febris, hic etiam ferè semper accidit Frigus externum.

Hanc Febrêm sæpe comitatur Dolor, Colici, Nephritici, Pleurici, Rheumatismatici, vel Parturientis æmulus. Nec non oppressio Pectoris, cum Depressione Spirituum. Dolore prædicto post biduum tadiumve recedente, totius Corporis horror, deindeque Frigus Calorque alternatim oriuntur. Lenior tamen hic Calor est, quam in Febre vulgari continuâ, & naturali propius accedit: Dum vola manus Calore magis intenso efficitur, pars convexa mitiori. Pulsus etiam frequens est, sed debilis. Spiritus sæpè maximè deficiunt, & quasi ex magno pondere Pectus oppressum edit suspiria. Somnus obrepens subito est interruptus; omnium penè Symptomatum maximè inseparabile. Sæpe enim plures dies noctesque sine Delirio, aut Capitis Dolore, insomnes sunt: ferè multò diutius quam in aliis Febris. Cujus rei Exemplum vidi, præ aliis singulare, in Fœminâ quadam Illustri, quæ sub cura Doct. *Francisci Bernardi*, in hac Febre, sine Delirio, Doloreve Capitis, per Mensem passa est vigilas. Lingua nunc Aphthâ albâ obducta est, nunc sinorum similis. Urina, nonnunquam, ferè ut Aqua communis, pallida; aliàs, naturalem præ se fert colorem. Quo Symptomate decepti Juniores Medici, frequenter ad Vapores, ut vulgò loquuntur, referunt. Hac Febre correpti aliquando Ventriculi ægritudinem, præcipuè post somnum, patiuntur, & nonnunquam Diarrhæam, vel ex suâ negligentia, vel ex malâ Praxi: scilicet, dum Calificientia, in Paroxysmis Hystericis usitata, sine Diaphoreticis, præscripta sunt. Unde, loco placidi naturæ progressus, Materiam Morbificam per Diaphoresin expellentis, rapida Fermentatio eandem in Intestina deturbat. Alvus nunc astricta, nunc cum Ventriculi ægritudine, & Intestinorum Doloribus soluta est. Modò multum sitiunt, modò parum. Aliquando manus & lingua, Medico potrestæ, tremunt; & Ægri quasi cum Tremore loquuntur. Motibus etiam Convulsivis, Delirio, ac difficili Respiratione hæud rarè premuntur. Quorum Symptomatum exacerbationes, Febris Intermittentis Paroxysmorum instar, recurrunt. Pectoris cum suspiriis oppressio, vel sine causâ evidente Spirituum major defectus, Vigilæ, & Spirituum commotio, a *Hurry in the Head* vulgò dicta, quoties Ægri ad somnum se componunt, nec non

Tom. II.

Pulsus frequens & debilis; quibuscumque aliis Symptomatis conjuncta, Pustulas Miliæres eruptiones semper prænunciant. Quæque omnia persistere solent, donec Pustulæ Miliæres emineant: deinde à plerisque Ægrou liberantur.

Hæ Pustulæ, plerumque in Pectore, Collo, & Digitorum interstitiis, interdum etiam in toto Corpore sunt perspicuæ; &, paulatim indies auctæ tandem evanescent; Cuticulâ Pustularum sedibus subscabrâ manente. Nonnunquam pruriunt; præcipuè in Febre Miliari complexâ; ubi scilicet Pustulæ Papillares rubræ permixtæ sunt Miliaribus. Et observare est, hanc Febrêm, quò simplicior est, Symptomata habere eò leviora. Quæque hac ratione, tam incautis Medicis, quam Ægris, incuriam frequenter creant. Unde Febris hæc vel magis sit periculosa, vel Morbus alius sæpè oritur. Ex minori enim cautelâ, quam primo loco adhiberi oportuit, gravioribus Symptomatis, scil. Ventriculi ægritudine, Appetitu diminuto, Calore interno, oppressione Pectoris, Spirituum depressione & suspiriis, Caloris & Frigoris irregulari recurso, vigilas & similibus, aliquando incipit.

In hujus Febris declinatione sudore frigido sæpe madent manuum superiora.

An Pustulæ Miliæres certo die apparere soleant, difficillimum est observare. cùm prima hujus Morbi facies, & de eodem Patientis narratio, ad eò sint incertæ. Quantum autem assequi possum, eas opinor decimo vel undecimo die, à principio, plerumque pullulare; si modò Febris regularem habeat progressum: & circa decimum & octavum, vel ubi Materia morbifica abundat, circa primum vel secundum & vicinum desiccari.

Tempus Eruptionis observare, tentavi primò in iis Fœminis, quas tertio à partu die advocatus, de Horrore vel Frigore, & Calore subsequente querentes audivi. Cùm enim Pustulas Miliæres in illarum Pectore & Collo inspectis viderim, eas judicavi à multis diebus Febre Miliari correptas fuisse. Et scrutinio factò ab usque Morbi initio, vel Calorem præternaturalem, vel partem alicujus Dolorem, cum vel sine sui, & cum maximâ Pectoris oppressione ac suspiriis, Spirituumque defectu, ante partum sensisse comperi. Quæ Symptomata, cùm ab appropinquante Partu pendere putarentur, à Partu se bene habituras sperabant. Deinde, partus Dolores, etiam si solito sint miuores, eos tamen maxima Pectoris oppressio cum suspiriis, spirituumque defectus, (ab Obstetricibus Timor & Vapores dictus) pulsusque frequens ac debilis subsequuntur, Pustulasque Miliæres prænuntiare solent. Quarum Eruptioni in Puerperis ad sudorem in Lecto compositis, via sternitur. A primo itaque Calore interno, vel Dolore ante Partum, ad Eruptionem à Partu, dies undecim frequenter numero. Verùm Ægrou sui status Ignorantia & præpostera narratio, Medici prognosin ut plurimum ad eò confundit, ut ipsissimum diem vel curiosissimus hæud indigitare noverit.

Febris Miliaris consequentia, quatenus meæ observationi occurrunt, sunt Tumor Femorum, Tibiarum, Pedumque, non semper indolens; ex tumescencia & abscessus Mammarum; depravata Memoria, Fluxus Lochiorum nimius, & Urinæ; affectus; Hypochondriaci aut Hysterici æmulus; Calor internus, cum debilitate, languore & diminuto Appetitu conjunctus. Horum inquam, nunc hæc nunc illa contingunt, quoties Febris, vel ex suo malo more, vel Medici malâ Praxi infelicem habet exitum.

Ccc

Df

## De Febris Miliaris Causis Internis.

Quod ad Causas Febris Miliaris internas attinet, partim à Sanguinis & succi nervosi serositate nimia, & quâdam Acidâ Acrimonia; partim etiam à Succo Nervosi nimia commotione, pendere videtur. Quæ mea conjectura ex hujus Morbi præcedente Historia, ex Medicamentorum huc pertinentium effectu, & ex Cadaveribus hæc Febre mortuorum dissectis, probabilis videtur.

Sanguinis Acrimoniam seu Aciditatem arguunt secretionem huic Febrilem peculiarem. Urina enim hæc magis decolor est, sanorumque similior; emittiturque majori copia, quam in Febre Ardente, ubi Sanguis & Succus Nervosus Particulis Sulphureo-salinis imprægnantur. Et experimur Urinam decolorem copiosè effluere ex usu Oxymelitis Scillitici in Hydrope incipiente. Ptyalismus etiam in hæc Febre plerumque copiosior est, quam in Ardente. Ideòque hæc sitis ut plurimum minor est, & Lingua viscoso humore minus obducta. Porro, & Pustulæ Miliæres, quæ sero plenæ sunt Vesiculæ, ab Aciditate prædictâ secerni videntur; Non secus ac à quovis Acido affuso, fit Lactis serum.

Idem patet à Medicamentis juvantibus, Testaceis scilicet, ut Oculis Cancrorum & similibus, quæ Acida absorbent.

Nec minus ex Lædentibus. Omnia enim Sapore Acida, ut succus Limonum, &c. in hæc Febre nocent.

Serositas Sanguinis probatur, à Calore, qui hæc mitior, quam in Febre Ardente sentitur. Et quo simplicior est hæc Febris, eo mitior est Calor. Nam ubi Pustulæ rubræ, a Rash vulgò dictæ, Miliaribus sunt interspersæ, omnia Symptomata Febrilem magis ardentem ostendunt. Et Anasarca laborantes, ubi Sanguis sero abundat, licet Febre aliquando Miliari, & Symptomatis Nervosis, vix tamen unquam ardente afficiuntur.

Idem probat, tempus, quo Pustulæ Miliæres erumpunt. Quæ ob Sanguinis serositatem, indeque Calorem & Motum mitiorem, non tam citò ac Papillares & Variolæ, ubi Sanguis sulphure magis abundat, expelluntur. Quemadmodum simplex Aqua, tardius quam Vinum aut Spiritus vini ebullit. Quam etiam ob causam Spiritus Animales in hæc Febre primò commoventur.

Remedia hujus Febris Curationi adhibita idem ostendunt: nimirum, continuata Diaphoresis, & Vesicatoria successivè apposita. Quæ serositatem Sanguinis, & Succo Nervosi diminuunt, eodem tempore quo eorundem Aciditatem edulcorant. Adde, & Curatio hujus Febris à Natura perficitur, Sanguinis serum, ex aliquâ parte in generatione Pustularum Miliarium, eliminando. Neque liquores diluentes & aquosiores, hæc adeò multum, ac in Febre ardente, profunt; ubi potius Pulli Gallinæ Jusculum copiosè bibendum est. Porro, & quæcunque seri diminutionem per Diaphoresin impediunt, Lædentibus adnumeranda sunt; ut Frigus externum, & Medicamenta Calefacientia sine vi Diaphoretica.

Tam aciditatem Sanguinis, quam Serositatem, Cadavera eorum quæ hæc Febre moriuntur, satis perspicuè demonstrant. In quibusdam enim Partibus sanguis coagulatur, & non secus ac Oleum ex effusione spiritus Vitrioli nigrescit. Idem tamen Sanguis extravasatus Linteum valde pallido colore imbut. In aliis Partibus, adeò serosus est, ut & ipsa Vasa Sanguinea verè palleant. Cujus rei instantiam profero, in sequentium Historiarum ultimi-

ma. Et nuperrimè vidi non absimilem; in Juvene quodam Illustri, annos circiter unum & viginti nato, hac Febre mortuo, ex omisâ Morbi Curatione tempestivâ. In cujus Abdomine, Thorace, & Cranio apertis, Vasa quibusdam in Partibus, Sanguine nigricante & coagulato distenta erant. Sanguis tamen è Vasis discissis elapsus pallido colore Linteum infecit. Et non infrequenter experimur, è Venâ sectâ Sanguinem rutilantem fluere; à Vino nempe generoso copiosè ingesto: Colore tamen pallido linteum imbuti suam Serositatem ostendere. In aliis hujus Cadaveris Partibus, Sanguis serosus videbatur, & Pallido Colore tinctus; ut & Cor ipsum Plexus etiam Choroïdes, ob copiam Sanguineorum Vasorum ipsum formantium, semper ferè rubicundus, maxime pallebat: tum Acidi tum Serosi Sanguinis argumentum. Neque dubitandum est, Succum Nervosum, à Sanguine ortum, similem Naturam adeptum fuisse.

Intemperiem Febrilem in Liquore nervoso sive Spiritibus Animalibus primitus accendi, Symptomata Nervosa primò occurrentia, nempe Dolor, Spirituum depressio, Vigilæ, & similia supra enumerata, probant. Cum interim, Symptomata, quæ Sanguinis fervorem Febrilem indicant, uti Calor vehementis, pulsus fortis, Capitis Dolor, Sitis, Linguae siccitas, Urina rubicunda & parca, &c. omnino desunt. Demum in hæc Febre Juvantia, nempe Mens spiritusque ab omni tumultuario motu immunes, idem ostendunt. Hic itaque Commotio Febrilis, à Seri Sanguinis metastasi, in Succum Nervosum originari videtur, indeque in Sanguinem transferri.

## De Symptomatum Causis.

Febris Acuta continua, non Maligna, ex obstructione Glandularum, Cutaneorum præcipuè, indeque Sanguineorum Vasorum Plethora pendere, plerique autumant. Et in Febre simplice Miliari Succo Nervoso idem accidere, verisimile est. Nam ut Nervi ex Obstructione tenduntur, ita ex Tensione Dolor oritur, hujusce Febris Symptomata omnium ferè primum. Ideoque Medicamentis Diaphoreticis, Plethoram & Obstructionem Nervorum Capillarium minuuntibus, potius quam Laudano consopitur. Uti & ex Petechiarum aut Variolarum eruptione, Aegri à Dolor, Symptomate eorum primario, magis liberantur, quam ab usu Laudani.

Succus Nervosus, Nervorum Capillarium obstructione auctus, & in suo motu repulsus, Motum irregularem imprimit Spiritibus Animalibus, & Horrore Aegrotum afficit.

Calor autem succedit Frigori, ex Succo Nervoso in Sanguinem (tandem obstructione reserata) copiosè transfuso, motumque Sanguinis citatiorem generante. Neque tamen hæc, ubi Sanguis scætet partibus seroso-acidis, quæ motum ejus inhihent, Pulsus adeò magnus est, ac in aliis Febris; quæ primò in ipso Sanguine, salinis sulphureisque particulis luxuriante, excitantur.

Calor & Frigus se mutuo excipiunt, sed irregulariter. Nimirum à serositate Sanguinis, Succique Nervosi ab eo secreti: qui exinde citius à Medicamentis, motu Corporis, multiloquio, vel Animi Pathematis, affecti sunt. Ideoque nihil magis conducit ad Caloris Frigorisque irregularem recursum cohibendum, quam mora in Lecto & Quietudo.

Pectoris oppressio & suspiria, à Liquore Nervoso, in Nervis Pectoris Capillaribus flagnante

nante orientur. Vesiculis enim seu Pustulis Miliaribus emissis. Ægri ab oppressione liberantur. Certè à Sero in Asperæ Arteriæ extremis Ramulis minimè pendet: Ita enim produceretur Asthma, & Pharmacis Pectoralibus oppressio allevaretur: quæ tamen hæc sunt inutilia, & quæcumque Pustularum Miliarum eruptioni incommoda.

Oppressionem hanc comitatur Spirituum defectus. Nempe ob Sanguinis serositatem, indeque pariter in Succum Nervosum Spirituum secretionem. Oritur etiam à Succo Nervosi serositate, Spiritus Animales onerante. Serositate enim per Diaphoresin diminuatâ, liberantur Spiritus Animales, viresque Æger recuperare videtur. Non secus ac Bajulator, qui deposito onere Spiritus statim resumit. Quod non accidit in Spirituum defectu, ex Hypercatharsi orto. Et notatu dignum est hæc Febris Miliari laborantium, non secus ac oneribus defessorum, Pulsus eundem manere, dum Spirituum defectum passi sint, & ab eodem liberentur. Verùm à Evacuatione nimia, Pulsus debilitas, Spirituum depressionem respondet.

À motu Spirituum Animalium magis celeri insomnes sunt, sæpeque delirant; & quoties ad somnum se componunt, de quadam Sensus Interni Confusione queruntur.

Quando in Vigiliis Caput indolens est, à minori Impetu Sanguinis versus Cerebrum pendet. Licet enim motu paulò vegetiore circuit, quàm in Sanis: remissius tamen quàm in aliis Febris, siue Intermitentibus siue Continuis, movetur. Quamobrem & Sitis hic longe mitior est, quàm in Febre Ardente. Et eandem ob Causam Urina est magis decolor, Sanorumque similior: Et majori copia emissi, ex Aciditate Sanguinis serum separante. Quæ de causâ frequentius etiam expuerre solent.

À Serositate Spirituum Animalium Musculi antagonistæ non semper æqualiter contracti retinentur; unde fiunt Motus Convulsivi. Sin autem à serositate prædicta Contractio Musculorum fuerit debilior, Linguae Manuumque solummodò fit Tremor.

In hujus Febris principio, si Ægri, Similitudine Vaporum decepti, è Lecto surgant, calidave Medicamenta usurpent, Sanguinis Spirituumque motus exinde augetur: Et loco Pustularum Miliarum Natura ad Materiæ morbificæ intempestivam ac deviam Secretionem stimulat. Unde producantur Symptomata, secundùm varias Partes in quibus deponitur, variata; Febrisque Miliaris sub alterius Morbi formâ delitescit. Si in Ventriculo, Nauseam & Vomiturum parit; in Intestinis, Dolorem & Diarrhæam. In quo casu, Dolores & Diarrhæa, cuius leni & continua Diaphoresi, quàm Laudano vel Astringentibus recedunt. Et si contigerint solummodo duæ tresve Sedes, absque Ventris Torminibus, Spirituumque Defectu, quæcumque Astringentia & Opiata censendo amovenda. Quippe sæpenumero satis est Materiæ, tam in Sedes, quàm in Pustulas Miliaries distribuendæ. Quapropter & de earum Eruptione à Sedibus nihil metuendum est. Idemque experimur, ubicumque Materia abundat secernenda: Exempli gratiâ, in Variolis ubi nec Enema, nec Venæsectio, Pustularum Eruptionem impedit. Nec quicquam mali accidit à Catamenii, toto Variolarum cursu lentè effluentibus.

Pulsus denique fit debilis, à Serositate Sanguinis Succique Nervosi; & proinde Spirituum Animalium paucitate, Cordisque laxiore Systole.

Tem. II.

*De Signis in hæc Febre Prognosticis.*

**D**E hæc Febre Prognosis ita instituenda est. Si Ægrius sui Regimen in principio omiserit, Medicusve Pharmaca calida Diaphoresin minimè excitantia præscripserit; licet Symptomata ab initio fuerint mitiora, Morbus tamen sæpe in pejus ruit, & vel mortem, vel ægritudinis diuturnitatem minatur.

Si ab initio Pars aliqua doleret, vel Æger indolenter calefceret, aut et Ventriculus ægrotaret, deindeque Calor & Frigus alternis vicibus, intervallis tamen inæqualibus recurrerent, Spirituumque defectus, & Pectoris Oppressio cum Suspiriis, facili respiratio conjuncta sint, tandemque Pustulæ cum leni & perpetua Diaphoresi sese ostenderent, res plerumque in vado est.

Delirium, Motus Convulsivi, Convulsio, vel Apoplexia, si ex Signis hujus Febris Pathognomonicis, nempe summâ Pectoris Oppressione, cum Suspiriis, Spirituumque Defectu, Symptomata comitantia viderentur, & in principio acciderent, facilius Medici diligentæ Praxique regulari cedunt. In progressu verò, & declinatione, ubi Æger imbecillior est, & Pustulæ Miliaries, aut ex impresso Frigore, aut forsan à malâ præxi delitescunt, in Cerebrum, Nervosque letalis fit metastasis, & brevi Mors sequitur.

In hæc Febre, suppressio Diarrhææ subitanea, siue sponte, siue Astringentium, siue Opiatorum ab usu sit, Apoplexiam cavere jubet, Præcipuè si ille Morbus, ex Plethora & Partium structura, staret in prociectu.

Citrinus Urinæ Color, qui subito in pallorem transit, de metuenda Metastasi Medicum monet.

In Puerperis hæc Febre correptis, Diarrhæa Symptoma periculosum est. Non modò enim Pustularum Eruptionem, sed & Fluxum Lochiorum impedit.

Respiratio difficilis, Vox faucibus hærens, & linguæ Tremor, inter periculosa Symptomata collocanda sunt. Præcipuè, Dyspnœa Nervosa.

Ægri, quò magis somnolenti, eò felicius convalescunt.

Qui mitioris sunt Indolis, facilius quàm qui Feroces & Iracundi, liberantur.

Si Natura & Medicus, quasi junctis manibus procedant, statim à desiccatis Pustulis Ægri vires recuperant. Nisi, ex abundantia Materiæ Morbificæ, Reliquiæ super Partem aliquam separentur.

In Febre Scarlatina, si Pustulæ Miliaries Colori rubro extincto superveniant, salutem promittunt.

*De Febris Miliaris Simplicis Curatione.*

**E**X hujus Febris Miliaris Simplicis Natura descripta indicationes curativæ sunt hujusmodi. Nimirum, Sanguinis & Succo Nervosi Aciditatem dulcificare, eorumque Serositatem diminuerè, nec non Spiritus Animales liberari & restaurare: Et hæc Methodo obviam eundo periculosis Symptomatis, Spirituum Animalium Sanguinisque Motum ad æquilibrium restituere. Quo facto, Pustulas Miliaries è Materiâ ritè præparatâ genitas, solito tempore expectare licet.

Ad Sanguinis Succique Nervosi Aciditatem (unde Coagulationes sanguinis, & seri secretiores proveniunt) edulcorandam, Medicamenta, vulgò Alcalina dicta, & præcipuè T. staces, sunt eligenda: E quibus sunt Oculi Cancrorum, Margari-

garitæ præparatæ, & similia. Et ad eorum serositatem simul minuendam, quæ etiam lenem & continuum Diaphoresin promovent, maximè omnium profunt: in quorum numero Pulvis è Chelis Cancrorum compositus, Lapis Goensis, & Bezoar Orientalis, præcipuum locum obtinent. Horum enim usu, dies aliquot repetito, Sanguinis & succi Nervosi vitia corriguntur; Pulsusque ad fortiorem motum restitutus, magisque æquabilem, Pustularum Miliarium eruptionem accelerat. Equidem, si nulla ratio Diaphoreseos habenda esset, neque alicujus Indicationis, nisi ut Sanguinis Spiritusque Animales exaltentur; calidiora Cardiaca, uti Radicem Serpentariæ Virginianæ aut similia, vel etiam Vinum ipsum tutò & copiose sumere liceret. Hæc autem & hujusmodi, in hac Febre, viz. ad Pustulas Miliaries expellendas, rarò locum habent. Nam Sanguinis Fermentatio vehementior, & Materiæ morbificæ contemporanea secretio, non bene conveniunt. Et sæpe calidiorum usu, Delirium, Motus Convulsivi, & similia producuntur. Omnes itaque Secretiones, sive Naturâ, sive Arte effectæ, faciliùs lentè procedunt. Id quod à Medicamentis Testaceis obtinetur; quæ dum Calorem fovent medicrem, simul & edulcorant, & Diaphoresin promovent.

Ad Serositatem minuendam optimè etiam respondent Vesicatoria: Nec non ad Coagulationes sale suo Volatili impediendas. Nullum itaque aliud Remedium Spirituum Animalium Commotionem magis sedat, Somnumque conciliat, aut Spiritus depressos levare solet. Materiâ enim morbificâ ex aliqua parte eorum ope diminutâ, Naturâ reliquam, viâ sibi consuetâ, faciliùs amandare potest: tantum abest ut Pustularum Eruptionem impediant. Neque tamen plura unâ vice Vesicatoria, sed alia post alia, applicanda sunt, nisi grande aliquod Symptoma exigat. Notandum autem est, postquam ulcus prioris Vesicæ siccatum fuerit, quamprimum aliam debere excitari. Cum sæpe observaverim, omnia Symptomata statim à siccatis priorum Vesicarum Ulceribus ingravescere, iterumque ab aliis Vesicis excitatis fieri leviora.

Anno 1697. quidam hac Febre correpti non modò Capitis Dolor, sed & Tumore affecti sunt: At tamen ex Vesicatoriis successivè apposis, dietim imminutis. Ex apposis pone Aures disparuit Frontis Tumor; Temporum & Oculorum, ex tertio inter scapulas, & Genarum similiter, Labiorum, Fauciumque, ex aliis super Brachiis, Femoribus, Tibiisque, ut in sequentium Historiarum primâ fusiùs ostenditur. Et notetur quòd ex minimo temporis intervallo, à prioris Vesicæ exiccatione ad generationem alterius, & Dolor & Tumor aucti fuere.

Anno 1704. quorundam in hac Febre Fauces occupavit Dolor, illius qui in Anginâ æmulus. Quo percepto Symptomate, licèt multi subitò mortui sint, eo tamen leni & continuâ Perspiratione domito, omnes sub meâ Curatione evaserunt.

In hac Febre, Cathartica rarò sunt admittenda, non nisi grande aliquod Symptoma indicaverit. Emollienti verò Enemati, ad primas Vias mundificandas, sæpe locus est.

Rarò etiam Sanguinis emissio permittenda, nisi ex urgente aliquo Symptomate, viz. Asthmate, Pleuritide, vel simili indicaretur.

Animi Pathemata in hac Febre vitanda sunt. Et quæcunque commovent Spiritus Animales, sive grata sive ingrata fuerint, noxia sunt. Quietudo etiam in lecto imperanda est. Contrario autem in hac Febre incipiente regimine, Pustularum miliarium materia versus cutem motura, aliò re-

pulsa, Symptomata periculosa producit. Quibus Symptomatis, si talia adhibeantur, medicamenta qualia ad primarium Morbum inepta sint, vel mors, vel Morbus Chronicus, sine ulla postea Pustularum eruptione, sequitur. Unde discimus qui sit, ut Puerperæ ex hac Febre felicius emergant. Ob id nempe, quòd in lecto tranquillo animo se continent, lenem & perpetuam Diaphoresin sibi conciliant; cibisque Potulentis, calefacientium Pharmacorum loco refocillantur. Sæpe enim observare est, eas, quæ in lecto bene se habere visæ sunt, si inde surgant, tanto spirituum defectu correptas fuisse, ut moribundæ videantur, & ex iis nonnullæ subitò obierint. Quæ etiam nimis properè lectum renunt, se tantum Histericè affectas æstimantes, statim in pejus ruunt.

Hujus rei instantiam jam præ oculis habeo in Domina *Shepherd*, in Vico vulgò vocato *Bartholomem lane*, habitante, & cui D. *Lancashire* fuit Pharmacopœus. Illa Pectoris Oppressionem cum Suspiriis, nec non Confusionem interni Sensus, Cordisque palpitationem passâ est: quæ Symptomata, & Ægra, & astantes, Vapores æstimant: Ideòque necessarium esse putabant, ut è lecto resurgat. Simul ac verò induerat Vestimenta, Tremores & Motus Convulsivi, prædictis Symptomatis sunt adjuncti. Ego jam ad Illam vocatus; ex oppressionem Pectoris, cum Suspiriis, Spirituumque defectu, Febre Miliari laborare censui, & in periculo stare, nec sine leni & continuâ Diaphoresi servari posse. Præscripsi itaque in lecto quietudinem, seclusâ Visitantium turbâ; Vesicatorium inter scapulas applicandum; Bolumque sequentem sextâ quaque horâ cum Julapio sumendum.

R. Pulv. è Chel. Cancr. comp. Sperm. Ceti, a Dj. Croci gr. vj. Syr. Paralyf. q. s. M. f. Bolus.

Qua methodo adeò lætè res cessit, ut intra biduum Motus Convulsivi penè penitus aboliti fuerint. Pustulæque Miliaries, jam tandem enatæ, altius indes emicuerunt, ferumque in iis, usque ad earum exiccationem, videbatur magis incrassari & albescere.

Puerperæ hæc Febre laborantes, & nimis citò lectum renuentes, nonnunquam ex improvise moriuntur: uti accidit Domine *Barkley*; ad quam licèt vocatus eram, tamen ante adventum meum mortua est. Amici Illam, nullo Morbo, præter Vapores vulgò dictos, affici putarunt. Et proinde exurgere, immiscere se Colloquiis, & similia, sanæ instar, agere voluerunt. Ego verò, ex dolore Femoris oppressionem Pectoris, suspiriis, spirituumque defectu mihi narratis, ipsam Febre Miliari perisse ratus sum. Et allata Candela, Pustulas Miliaries quamplurimas super Pectore adhuc eminentes vidi. Et nullus dubito, quin ex frigore, materiam Pustularum in Nervos repellente, hæc Mulier morte subitanè oppressa fuerit. Id quod etiam quibusdam Parturientibus in simili casu accidisse memini. Ideoque, ubi ad Parturientes vocatus, Febri Miliaris signa viderim Pathognomonica, moram in lecto, ut Ægra ad partum se componat, impero.

In prædictæ Domine dissecto Cadavere, nil morbosum conspexi præter Polypum, Qui ab eadem causâ ac ipsa Febre, viz. serositate acidâ proveniens, minimè mortis causa existimanda est.

Sæpe etiam observare est, eos qui in lecto bene se habere visi sunt, si exurgerent, tantum spirituum defectum sensisse, ut moribundi viderentur, cujus rei in Historia casus D. *Smith*, in Arca *Bartholomem Close* vocatâ, exemplum dabimus. Ideòque Cautela, tum à Parturientibus, tum Puerperis observanda est, ut si Pectore oppresso & languore, sine causa evidente affectæ fuerint, statim Obste-

Obstetricis ope partum avelli curent, & spretis mulierum argumenculis in contrarium, ad eliciendam diutinam Diaphoresin se lecto assigant.

*De Curatione Febris Miliaris Symptomatum.*

Singulis Symptomatis iisdem Remediis occurrendum censeo, quibus uti malimus, si solitarie apparuerint: nisi aliquid Symptoma contra indicet: quod à perito Medico perspicendum est.

Capius vel parvis aliteris cujuscunque Dolor, longè certius leni & continua Diaphoresi, quam Opiatis consopitur. Quemadmodum in Febris petechialibus Variolisque, nullo modo Dolores sedari vidimus, donec expellenda materia super cutem emineat. Cum itaque vel parienti, vel dolore quovis laboranti advocatus sim, & Spirituum defectum pulsusque frequentem ac paulò debiliorem viderim; omnis Hypnoticis, Naturæ morem gerò, & statim Diaphoresin excitare soleo. Si autem Doloris vehementia Opiatorum usum indicaverit, Diaphoretica admiscenda impero. Aliàs aut non sedant Dolorem, aut ejus loco aliquid mali afferunt. Et si pleuriticus si dolor, vel alicubi Inflammationem ostendat, Venæsectio raro est omittenda.

Quoties Calor & Frigus alternis vicibus & irregularibus recurrunt, ut plerumque solent; lenis Diaphoresis, ex Pulv. è Chel. Cancr. comp. usu, valde prodest; si modò sine Calefacientibus sumptus fuerit. Quod, etiam à nonnullis parvi pendatur Remedium, multoties tamen ejus virtutem expertus sum. Hæcque, ex multis aliis, uno Exemplo in D. Boston, D. Sbalis pharmacopœi Filia, satis patebit. Illi secundo die à partu, doluit Abdomen prope Coxam. Qua in parte lenito dolore, calore deinde & frigore alternis, nec non Vigilis & oppressionem pectoris cum Suspiriis, & Languore, afflicta fuit: tandemque post dies aliquot pustulæ Miliæ exudarunt. Solo itaque pulveris è Chelis Cancrorum compositi usu sexta quaque hora, ad continuandam Diaphoresin; omniaque Pathemata prohibendo, Ægramque Cibis fovendo Potulentis, Vinoque pauco Canarino, illamque dies quatuordecim post emissas pustulas lecto aligando; æquè feliciter convalevit, ac si non ægroasset. Etiam ante partum calor Hecticus, Tussis, difficilisque Respiratio, Tabem minuarint. Constat itaque multis hæc Febre correptis sanitatem redintegrari longè difficilior; aut ex debita Cura in principio omitta, quasi Ægra tantum Hystericè laboret, aut valde Calefacientium abusu, materiam scilicet Morbificam, non criticè, sed symptomaticè expellentium. Et observatu non indignum est, quòd hæc corrente Febre, ut prædictum pulverem, experimenti gratia, omitto, non solum cessavit Diaphoresis, sed Symptomata omnia pejora videbantur: ita & illius usum repetendo, quæcunque laudabiliora renovari.

A Vigilis levantur, Vesicatoriis, & quietudine in lecto, remotis omni strepitu Animique pathematis.

Ad Delirium maximè prodest Antimonium Diaphoreticum, per se sumptum. Quod licet à quibusdam Medicis, ut effacta Calx æstimetur; sæpe tamen, & semper per se optato successu, non modò in Vigilis, sed & in Delirio præscripsi.

Sæpe etiam pacantur Vigilæ, leni & continua diaphoresi. Ad quam efficiendam, si pulveris prædicti usus sit irritus, Spiritu Cornu Cervi, aliis Medicamentis præferendus est, & in posseto Salviato potius bibendus, quam Salviæ infuso. I-

Tom. II.

deò scilicet, quòd plus nutrimenti in hæc Febrè magis necessarium, suppeditet.

Opiata, si unquam in hæc Febrè, post Vesicatoria adhibenda sunt. Et urgente Diarrhæa, vel pustularum eruptione remota, Conf. Præcastris aut Theriaca Androm. locum præcipuum tenet.

Nihil à me expertum est, quòd feliciter motus convulsivos in hæc Febrè compestat, quam omnes illinire Arius Succini Essentiâ; illiusque quasi viginti guttas à quovis conveniente liquore sæpe exhibere.

In oppressionem Pectoris cum suspiriis præcipue Asthmate Convulsivo conjunctis, eadem fere, nempe lenis & continua Diaphoresis, Spiritus Cornu Cervi, & Vesicatoria, summe sunt utilia.

In spirituum defectu, nihil magis valere expertus sum, quam Aquam Theriacalem, vel per se, vel in vehiculo cum Salis Vol. oleosi guttis aliquot, & Croci Pulvere; præcipue si Cordis Palpitatio eundem comitetur.

In Tremoribus, Spiritus Animales aptis sunt reficiendi Medicamentis; è quibus Crocus maximè prodest. Nec non cibis potulentis magisque nutritiis, uti Pullorum jure, & similibus.

In convulsione universali, præcipue à materiæ morbificæ versus interiora Metastasi ortâ, Cucurbitulis cum emissionem sanguinis usus sum feliciter. Deinde calefacientes spiritusque volatiles Ægrotorum ori ingerendos, nec non Enemata, imperare soleo. Quæ quidem in convulsionibus, præcipue puerorum, sunt proficua.

Ægritudo cum nausea, pectorisque calor signa sunt Aphtharum imminentium. Quæ mitigantur Symptomata Diaphoresi continuata, donec lingua Aphthas oblecta fuerit. Et observare est, eodem tempore augeri Aphthas, Pustulasque Miliæ exarescere. È contra simul ac lingua Aphthas nudata fuerit, Pustulas Miliæ elevari, & nonnullam Febris reliquias, post desiccationem Pustularum, in Aphthas nutriendas derivari.

Vomitioni occorro, addendo pulveris è Chelis Cancror. comp. scrupulo, salis Absinthii gr. X. Præcipue si calor Febrilis æqualibus intervallis fuerit repetitus. Nisi aliquod Symptoma (uti Tonsillarum Inflammatio, quæ salis lixivialis usu augeatur) contraindicet.

In Diarrhæa, quam sæpe astringentibus augeri expertus sum, vel eidem suppressæ aliud Symptoma pejus succrescere, Vesicatorium utiliter præscribo. Ut hujus & Diaphoresis conjuncta ope materia serosa ab intestinorum glandulis revellatur, Margaritas etiam, vel per se, vel cum aliquo conveniente Diaphoretico, scrupuli pondere, sumendas vicibusque aliquot repetendas jubeo.

Vesicatorii efficaciam ad Chronicam Diarrhæam frequentissimè expertus sum. Cujus rei jam præmanibus habeo instantiam in Demarâ Washæa puerpera, Mercatoris Hispanici in Gloakane habitantis uxore; cui Dom. Sherwood est Pharmacopœus. Horrore primò corrupta fuit deinde frigore & calore, incertis spatibus recurrentibus: Nec non oppressionem Pectoris cum suspiriis, spirituumque defectu. Pulsus etiam ei debilis ac frequentissimus. Et passa est Vigilias, ferè usque ad enatas in lingua Aphthas. Sub earum autem eruptionem erat admodum somnolenta; uti & Aphtharum tempore infantes sunt. Ægritudine etiam ventriculi premebatur, & Diarrhæa, cujus vi improba Lochia ei suppressa sunt. Hanc mulierem sequente methodo multos dies continuatâ ad sanitatem restitui.

R. Sper. Ceti, Pulv. è Chel. Cancr. comp. an. ʒj. Croci gr. v. Syr. Paralys. q. s. Mf. f. Bolus commendus

mendus sexta quaque hora è Cochleari Julapii communis. Et applicetur Vesicatorium inter scapulas. Horum usu emicere Pustulæ Miliæres, & paulatim minuebatur Diarrhœa.

Et cum Aphthis postea enatis creverunt Pustulæ Miliæres, sine astringentium usu. Hujusmodi quidem medicamenta Egrotæ in promptu habuit, sed neque sumpsit, neque iis opus fuit.

Si Theriaca, aliave Opiata usurpanda viderentur, opportunè id fit, post apposita Vesicatoria quæ pravos Opiatorum effectus inhibent.

Hoc etiam potenter efficiunt sudorifica opiatis admixta. E multis hujus rei exemplis, unum dabo in quadam Domina Roberts. Illa secundo à partu die, Dolore colico, sine vomitione aut Diarrhœa, sed admodum vehemente & abdomini affixo, correpta fuit. Quapropter coactus sum, Laudani liquidi guttas centum, sesquihoræ spatio sumendas, imperare. Attamen paulò postea pulveris è Chelis Cancr. compositi salisque volatilis oleosi Dosis majorem offerendo, multas sudavit horas, dolorque sine ullâ superflite querelâ evanuit. Contrâ ac in eadem muliere, & in eodem casu, sub cûra alterius doctiss. Medici acciderat. Ille enim, dando Laudanum sine sudoriferis, dolorem equidem sedavit, diu tamen ægra de quadam inquietudine subsequente querebatur. Et liquido mihi constat ex Laudano per se sumpto, omnes evacuationes plerumque supprimi. Quòd si aliter contingat, forsitan non Laudano, sed aliò referendum est. Similiter ac si ex sumpto Cortice Peruviano, aut vino Clareto, ob materise morbificæ congeriem, Fibrarumve intestinorum imbecillitatem, vel quandam Antipathiam, sequeretur Diarrhœa. Neque post sumptum Laudanum sudor nonnunquam profluens, & Variolarum extumescencia, quicquam redarguunt. Quorum neuter à Laudani naturâ, sed potius à Morbi conditione immediatè pendet. Nam ut in Febris, durante fermentatione, sanguis velocius movetur, naturaque secretionibus minimè vacat; ideoque urinam tenuè Egri meiunt, desinente verò, crassam cum Hypostasi turbidamque: pari modo, ubi motus sanguinis ex sumpto Laudano citatior compescitur, Nervi relaxantur, Porique aperti fuerint, in Febris sudor, in Variolis pus eliminatur facilius. Natura itaque medicamenti non ex aliquo remoto & incerto, sed ex proximo illius effectû desinenda est. Laudanum enim in quibusdam alvum movit. Quam observando regulam, Medici de Laudani, aliorumque Pharmacorum usu vel abusu, rariùs disceptantes, magis amicè honorificèque convenirent.

Hoc mihi in memoriam revocat effectum Laudani memorabilem in Fœminâ quâdam, ad insignè Solis in vico *Chancery-lane* vulgò dicto habitante. Illa, cum post abortum dolore Colico vehementissimo laboraret, Laudani magnas sumpsit doses, & per se repetitas. Unde Urinæ, sedum, Lochiorumque orta supressio, maximusque tumor ventris brevi expectandam mortem prænuntiavit. Postquam autem inquisitione facta à morbi usque initio, inspectisque præcedentis Medici præscriptis, jam memorata Symptomata, à Laudani abusu, ut dictum est, provenire cognoverim; Enema injiciendum imperavi. A cuius operatione peracta, omnia, non sine astantium stupore, disparuere Symptomata; quippe, non à morbo, sed abusu Laudani, oriunda.

De Febris Miliari composita.

Febris Miliaris composita est, ubi Pustulæ Miliæres, Papillis rubris ( à *Rash* vulgò dictis ) Petechiis, Variolis, aut Morbillis sunt intermixtæ.

Symptomata eadem ferè sunt, ac in Febre Synocho dicta. Spirituum tamen defectu & suspiriis Egroti magis opprimuntur. In vigiliis etiam proniores sunt; & eorum Urina sanorum est similior.

In Febre cum Pustulis rubris aliquando Pustulæ Miliæres non tantùm illis intermixtæ sunt, verùm etiam penitus deficcatis supersunt. In Variolis & Morbillis Pustulæ Miliæres plerumque præcedunt, & in principio eas comitantur.

In Febre Miliari composita Symptomata sanguinis potius quàm nervosi generis vitia præ se ferunt. Ubi nempe Pulsus frequens est & fortis, calor intensus, lingua sicca, siccisque haud mediocris. In Febre Miliari simplice, è contra. Verùm defectus Spirituum, & oppressione circa Pectus coacta suspiria Symptomata sunt utriusque communia.

Quòd ad curationem attinet, ubi Pustulæ Miliæres Variolas & Morbillos comitantur, Diaphoretica medicamenta paulò calidiora tutiora sunt, quàm in Variolis per se existentibus.

Frigus externum, aut regimen quocunque modo frigidum, periculosum est, & mortis causa nonnunquam subitaneæ: tum etiam, cum pleraque Symptomata optatum Morbi eventum præmittunt.

Quamobrem & opiata calida, ut Discordium, & similia, feliciter cedunt, quàm Diacordium vel Laudanum, quoties Variolis Pustulæ Miliæres conjunctæ sunt.

De Morbis quibusdam Febris Miliari supervenientibus.

Præter Febris Miliari consequentia, de quibus ante mentionem feci, & in sequentibus Historiis facturus sum, duo sunt, quæ paulò frequentius eidem superveniunt; nempe Artuum inferiorum Tumor, & calor Hæcticus.

Tumor Pedum & Tibiarum, nec non Femorum Inguinisque fit, aliquando sine, verùm sæpius cum dolore haud mediocri, tumoris præeunte. Ille autem Tumor, ex materise morbificæ congestis reliquiis, in his Febris non ritè curatis, contingit. Cujus rei etiam si plura exempla proferre possim; Methodum tamen, quâ morbum profigare soleo, hic annexere sufficiat.

Ea autem est: Pilularum Catharticarum, cum Opio vel aliquo Opiato, singulis noctibus sumendarum præscriptio. Opiatum mihi usitatum, est Pilula de Cynoglossa ad ℥ss. Catharticum verò eligo, secundùm Coindicantia. Verbi gratia in Appetitu & Digestione diminutis, Pilulas Stomachicas ad ℥ss. in Lochiis aut Mensibus suppressis, Pilulam Aloephanginam, aut Fœtidam. Aliquando etiam Resinæ Jalap. gr. iv. vel v. jubeo addenda. Et nonnunquam decocti amari sine senna haustu bis in die propino. Si Cathartica paulò fortiora usurpanda sunt, alternis noctibus adhibeo; & decoctum aliquod Stomachicum diebus interpositis sumendum præscribo. Et post plura alia Medicamenta frustra sumpta, haud rarò feliciter usus sum hæc methodo.

Si autem adsit Tumor indolens, Catharticitur sine Opiatis. Et si Febrem Miliarem comiteatur tanquam Symptoma, solâ continuatâ Diaphoresi dissipatur.

Spiritus etiam Cochleariæ, tam Simplicis quàm Cathartici, usus, in hoc casu maximè prodest. Simplicis efficaciam expertus sum in Domino *Bel-lasis*, circa ætatis annum octogesimum, Febre vehementi

menti correpto, meaque curæ à Regâ Majestate commadato. In quo jam extinctæ Febris, Tumor ab inguine usque ad Pedum Digtos supervenit, qui post Vesicatoria frustra adhibita, tandem Spiritus Cochleariæ simplicis usui cessit.

Spiritus autem tam simplicis quam Cathartici, scilicet cum Jalapio præparati, usum conjunctum, expertus sum felicissimum in *D. Lane*, quæ antequot ante annos puerperio cubabat. Hæc dolore vehemente, cum tumore ad inguine ad Pedum usque Digtos, affecta, duorum Medicorum celebris curæ submissa fuit; sed id incassum. Eundem itaque Fœminam, spiritu Cochleariæ simplice, ad 20. vel 30. guttas, è conveniente vehiculo ter in die sumpto, & spiritu Cochleariæ cathartico, tertio quoque die deglutito ad guttas 100, nec non Pilulâ *Matthie* die purgationis hora somni, penitus curavi.

Calor Hecticus, Appetitus diminutio, Spiritusque vitalis defectus, locum habent inter ea, quæ Febris Miliari superveniunt. Præcipue, si Patientes nimis citò de lecto resurgant. Cujus rei vidi quamplurima exempla.

Methodus, quâ hic bonis avibus utor, est hujusmodi. Sumantur manè dies aliquot, Salis Absinth. gr. 10. aut 15. ex Aq. Spadanzæ haustulo; & deinde paulatim ejusdem Aquæ ℥ij; nempe, si Spiritus maximè defecerint. Aliàs ex haustu Aq. Barthoniensis, superbibendo ejusdem ℥ij. similiter. Ut hoc modo aciditatis, ubicunque in hac Febre peccantis, reliquæ, unâ cum prædictis Aquâ & sale, excernantur. Quod si salis Absinthii usui caput doleret, præscribo Medicamentum aliquod lenitivum, 3. vel 4. quoque die hora somni sumendum. Salsa & Acida à cibis amovenda, nimisque corporis Animique motus cohibendus. Nam ex alterutro Recidivam sæpe fieri expertus sum. Nec quicquam Febris intermittens, è præproprio Corticis Peruviani usu, Recidivæ, certius occurrit. Cujus rei instantiam, in *Dom. Warrand* in *Milk street* habitante, & jam ferè moribundâ, vidi insignem: postquam duo alii Medici non incelsbres, pro eadem, re infestâ præscripserant. Et nonnunquam Lac Asinum, cum Testaceis Pulveribus, & præcipue margaritis, prodesse solet.

#### Historia Febris Miliaris cum Apoplexiâ.

**J**ulii 16. 1697. ad Digniss. Virum *Dom. Muschamp*, Vicecomitis de *Lansborough* Maritum in Plateâ vulgo dictâ *Pallmall* habitantem, evocatus sum: Cui *Dom. Malthe* erat Pharmacopœus; idem qui jam Regius. Annum agebat Ægrotus sextum & quinquagesimum. Constitutione erat pituitoso-sanguineus, & obesus: Appetitu gaudebat optimo: deditus negotiis & cogitandis. Ab aliquo retroacto tempore cum Asthmate ac Nephritico dolore laborasset, Calculos nonnullos, usu Olei Lini ad Cochlearia tria singulis noctibus à me præscripto, cum Urina emisit. Proximè præcedentibus aliquot hebdomadis, calore interno, deinde & languore, sive spirituum defectu, sine ulla causa evidente, affectus est.

Supra dicto die subito correptus est Apoplexia. Ut ex Antecedentibus jam memoratis, Respiratione cum stertore somni profundi æmulo, sensibusque læsis externis omnibus, certò comperi. Illamque à seroso potius quam grumoso sanguine stagnante oriri, facies ejus minùs rubicunda mon-

strabat: ut clariss patebit ex meis observationibus, quas de Apoplexia alterâ à stagnante & extravasato sanguine grumoso, alterâ à seroso, si vivam DEUS atque otium dederit, posthac in lucem emisurus sum.

Ad serosi sanguinis stagnantis excitandum motum, ac Ventriculi & Intestinorum onus amovendum, à quo sæpe tentatur Caput, sequentem Pulverem Emeticum præscripsi.

R. Salis Vitriol. ℥ij. f. Pulvis in doses sex dividendus. Sumat singulas ex Aq. Juglandis comp. Cochl. j. superbib. haustum posteti solis Card. bened. alterati.

Spiritus etiam salis Armoniaci naribus offerendum jussi. Et ut Ægrotum, tam à saburra in Ventriculo, quam Pulveris Emetici reliquiis, nauseam sæpe sequente die creantibus, liberarem, Pilulas sequentes præscripsi.

R. Pil. Tard. Querc. ℥j. Resina Jalapii gr. iv. Syr. è Spin. Cerv. q. s. M. f. Pilula, finitâ Emetici operatione sumenda.

Ad serosum laticem minuendum, sanguinisque adhuc magis accelerandum motum, Emplastra præscripti Vesicatoria, & mixturam spirituosam sequentem.

R. Salis vol. oleos. ℥ij. Spir. Lavina. comp. ℥ij. M. Sumat gutt. xx. ex haustu decocti Hordei Sympo Violaceo edulcorati: Hoc jussi vehiculum, ut & lentè augeam vim Pilularum, & Dysuria Dolorique Renum à Vesicatoriis, præveniam. Denum Emplastrum subpedalis, ex Empl. Cephal. cum Euphorbio & Picis Burgundica ana a. p. curavi applicanda.

Die prædicti mensis 17mo Ægrotò assidentes mihi narrabant, illum statim à petacta vi vomitorii è somnolentia & stertore expergefactum, sensus omnes recuperasse.

Symptomata jam tum apparentia, hujusmodi fuerunt, v. z. Tumor faciei, & totius capitis: quod eo Anno in Febre Miliari commune erat. Calor etiam Febrilis, Pulsus frequens, sed debilis; cum defectu Spirituum, maximeque Pectoris oppressione cum suspiriis scilicet, à magnitudine Morbi, non nimis evacuationibus. Quippe Pulsus, post eas finitas, nihilo quam ante, debior fuit. Neque subiit alterationem, quoties de Spirituum defectu Ægrotus querebatur. Urina tenuitate Aquæ & satis copiosa; Lingua humore albo & viscoso cooperta; Sitis immunitis, etiamli & insomnia fuit. E quibus omnibus Symptomatis & præcipue ex oppressione Pectoris cum suspiriis, spirituum defectu, (signis mihi Pathognomonicis) Febrim hanc esse Miliarem, Pusulasque suo tempore expectandas præmonui. Nec quidem Apoplexia, si hic non fuisset Symptoma, sed primaria Morbus, tam citò & perfecte evanesceret.

Ut itaque secundum meam methodum in hoc Morbo consuetam, lenem & continuam fovorem Diaphoresin, irregularibus Caloris Frigorisque paroxysmis occurrerem, tandemque leniam Pusularum eruptionem efficerem, sequenti præscripsi.

R. Pulv. è Chel. Cancr. comp. ℥b. Sumatur 6iâ quaque hora è Julapii sequentis Cochl. i. superbib. Cochl. iv. vel v.

R. Aq. Lact. alex. ℥vi. fl. Tilia ℥iv. Peon. comp. ℥vi. Margar. pp. ℥j. Sacchari albiss. q. s. M. f. Julapium.

Jussi etiam persistat in usu Decocti, Hord. cum Syr. violaceo: Ut & diluendo à dolore Nephritico præcaverem, & satis materiæ fovendæ Diaphoresi suppeditarem. Verùm ne frigido nimis regimine Spiritus Ægroti deficerent; singulis Decocti haustibus mixturæ spirituosæ antea præscriptæ

gutt. xx. addendas curavi. Ne omiserim indicationum, etiam si contrariarum, alicui satisfecisse. In quâ re Ars Medicinalis præcipua consistit.

Ad viscidam materiam linguæ obductam præscripsi Mucilaginem ex Sem. Cydon. & Pfyllii, syr. è Rubo Idæo edulcoratam; cujus Cochli. j. sæpe sumeret sensim deglutendo.

Die 18vo, Caput vi Vesicatorii detumuit superius. Urina coloratior aliquanto magis, & paucior. Spiritus, sudoris mediocris & mixturæ prædictæ cordialis beneficio, non tam multum defecerunt. Adhuc tamen depressi cogebant suspiria, cum querimonis de pondere Pectori incumbente. Quibus pensitatis, in omnium hætenus sumptorum repetitione persistere decrevi.

Die 19no, eadem apparere Symptomata, quæ antea. Si modò id excipias, quòd Caput leviter gravari incepit, & Alvus, non obstante Decocti Hordei cum Syrupo Violarum usu, astricta fuit. Quibus ut prospicerem Symptomatis, Renumque dolorem adhuc præcaverem, Clysterem sequentem præscripsi:

R. Decoct. commun. pro Clyst. ℥viii. Mell. Mercur. ℥iij. Sacch. rubr. q. s. Ms. f. Enema.

Die 20mo, ex Enematis usu liber erat à Capitis gravedine. Ulcere autem è Vesicatorio citius quàm debuit exsiccato, prædictus Tumor spirituum defectus, pectoris oppressio, nonnihil renovari videbantur; sed sine quovis alio suboriente Symptomate. Vesicatoria itaque ponè aures applicanda jussi, decocti prædicti duabus Libris Aq. Pæon. comp. ℥iij. addendas, & cum singulis illius haustibus Spir. Lavend. comp. gutt. xv. sumendas imperavi. Hisque non satis prævalentibus, Aq. Theriacal. Cochli. j. vel ij. adhibenda, & circa quintam vespertinam Enema repetendum.

Diebus 21mo, & 22do, omnia symptomata cum sint mitiora, antea præscripta continuanda, & solummodo Emplastra suppedalia addenda curavi.

Die 23mo, Vesicarum ultimò excitatarum Ulcera jam ferè exsiccata sunt. Caput de novo extumuit, spiritusque magis defecerunt. Quamobrem mandavi, Emplastra Vesicatoria Carpis apponenda, pulveris, Julapii, & Decocti usum continuandum, repetendumque Enema præscriptum.

Die 24to, omnia symptomata laudabilia. Excepto Urinæ pallore, Capitisque gravedine cum quâdam somnolentiâ. Quare cum Metastasin metuerim, à prædictâ methodo recedens, sequentes Pilulas præscripsi:

R. Pil. Tart. Querc. ℥j. Resina Jalap. gr. iij. Syr. e Rhab. q. s. Ms. f. Pilula statim sumenda. Et cum continuato usu decocti Hordei, ut ultimò parati, Vesicatoria ampla Femoribus internis applicanda jussi.

Die 25to, Urina tingitur aliquanto magis; Caput sanatum optimè; Spiritus redivivi, Pustulæque Miliæres super pectore emicuerunt.

Si quis hic Catharsin supra memoratam, quasi Pustularum eruptioni contrariam, reprehenderet; effectus ipse objicienti respondet. Verùm etiam reminisci debet, hujus Egroti habitum fuisse adiposum: Neque ex Vomitu & Catharsi primò præscriptis, elevatio Tumoris in Capite impedita fuit, sed materiæ morbificæ copiam minuendo potius accelerabatur.

Cum jam Pustulas Miliæres pullulare viderim, Pulverem è Chel. Cancr. comp. 4ta quaque hora è Cochleari Julap. sequentis sumendum jussi:

R. Aq. Card. bened. Melissa, Cinamom. Hord. an. ℥iij. Epidem. ℥iij. Margar. pp. ℥j. Sacch. albiss. q. s. Ms. f. Julap.

Præscripsi etiam, ut cum Decocto Hordei Apozematis sequentis haustulum sumat,

R. Rad. Scorzon. ℥j. Cort. Aurant. cond. ℥vj. fol. Melissa, Galega, an. Ms. flor. Cord. an. p. 18. Sem. Card. bened. ℥b. coq. in Aq. font. q. s. ad ℥ij. Colatura addè Aq. Epid. ℥ij. Ms. f. Apozema.

Et ut per vices sumat Aq. Theriacal. Cochli. ij. Ideò nempe, quòd in hæc Febre, præcipuè declinante, dum calent Volæ manuum superiora frigescent.

Die 26to, cum omnia viderim Symptomata adhuc leviora, ultimò præscriptorum usum sensu continuandum.

Die 27mo, Pustulæ Miliæres numero & magnitudine auctæ sunt. Ideòque Julapio ultimo præscripto hoc substitui.

R. Aq. Melissa, Cinamom. Hord. an. ℥v. Scord. Comp. ℥iij. Epidem. ℥ij. Syr. è Cert. Citr. q. s. Ms. f. Julap. de quo sumat haustulum in languoribus.

Die 28vo, Pustulæ visæ sunt adhuc magis elevari, spiritusque nullum modo defecere. Cum tamen dorso manuum frigescerent, ideò novissimè præscripta continuari velim.

Die 29no, Febris declinare cœpit. Quare Julapium continuandum, & Enema, injiciendum jussi.

Die 30mo, Symptomata omnia evanere. Quoniam tamen de aciditate quâdam in Ventriculo questus est; præscripsi Margarit. pp. ℥j. è Julap. seq. Cochli. j. sumendum aliquoties in die.

R. Aq. Lact. alex. Melissa. Cinamom. Hord. an. ℥iij. Epid. ℥ij. Sacch. perlat. q. s. Ms. f. Julap.

Deinde ut per biduum triduumve Decocto Hordei, cum spiritus Lavend. comp. guttis aliquot, & Julapio, uti persisteret. Demumque aquas Strethamenses à ℥iv. ad ℥ij. coctas sumeret, ter iterando. Quibus remediis ab Apoplexia, Febre, Renumque affectu perfectè liberabatur.

#### Historia Febris Miliæris cum Artuum inferiorum Paralyssi.

Circa Decemb. finem, 1705. Vir Humanissimus D. D. Garth atque Ego vocati fuimus ad D. Throgmorton Viduam, Ducissæ Nortumbrie Filiam, dies aliquot antequam parturiret; cuique D. Birch ut Pharmacopola ministravit. Fatigarunt illam Vomitus ferè perpetua & ægritudo. His etiam astrictio Alvi, & inappetentia, Tussis, & Dyspnœa, spirituumque defectus accessere. Quæ omnia ex mœrore ob nuperam mariti mortem contigisse æstimabantur.

Primo loco Emplastrum stomacho applicandum, & aquam Strethamensem cum sale Absinthii sumendam præscripsimus: nempe ut Ventriculi & Intestinatorum motum rectificemus. Hinc equidem rarior Vomitus; at nonnihil nutabant Spiritus. Qui tamen, cum ægra postea puerperio cubaret, continuatâ Diaphoresi quodammodo restituti sunt.

Verùm circa tertium puerperii diem Artus inferni, Paralyssi correpti, suam movendi vim amiserunt. Et nocte proximè sequente adèd defecere Spiritus, ut penè in Syncopen incideret. Quare & prædictus Collega meus nocte vocatus, Emplastr. Vesicat. Femoribus quàmprimùm applicanda, Bolumque sequentem sumendum præscripsit.

R. Solis Volat. Succini gr. viij. Croci gr. iv. Pulv. è Chel. Cancr. comp. ℥j. Conf. Alchem. sine odorat. q. s. ut f. Bolus cum Julapio appropriato deglutendus.

Die proximo manè Egrotæ Spiritus haud parum elevati sunt. Verùm Paralytin nullâ ex parte recessisse vidimus. Sed & mediocrem Tumorem, & dolorificum eidem accessisse. Dixi, non infrequenter

quenter in Febre Miliari, Paralyticos affectus, ex materia morbificâ in Artus descendente, suboriri. Deindeque statim ad Ægrotam accedentes, in denudato Pectore Pustulas conspeximus Miliare, Febremque Miliarem, Morbum originalem agnovimus. Unde concordi animo Medicamenta Diaphoretica aliorum omnium maximè necessaria decrevimus; & Januarii die 5to à nobis sequentia præscripta sunt.

R. Pulveris è Chel. Cancr. comp. ℥j. Croci ℥b. Conf. sine odorat. q. s. Ms. f. Bolus sexta quaque hora sumendus è Cochl. i. Julap. sequent. superbib. Cochl. iv. vel. v.

R. Aq. Ceras. nigr. ℥x. Bryon. comp. ℥ij. Sacch. albiss. q. s. Ms. f. Julapium.

Januar. die 6to; Ægrotâ paulò erat vivacior, Pectusque illi minùs oppressum: Dyspnœam autem ex Tussi adhuc passa est, cum vigiliis. Quare & Bolo, die præcedente præscripto, addidimus Haustum sequentem:

R. Aq. Puleg. Ruta an. ℥j. Theriacal. Syr. de Mecon. an. Tinct. Castor. gutt. X. Ms. f. Haustus.

Die 7mo, Spiritus mediocriter refecti, expectoratio facilior, Pustularumque Miliarum eruptio magis conspicua. Bolum itaque jussimus cum Julapio repetendum, & Haustum vesperi.

Die 8vo, omnia Symptomata facta sunt mitiora. Excepta Paralyti, & Musculorum Laryngis Hysterica quâdam Convulsione leviori. Ideoque præter antea præscripta, Pilulas è Castor. gr. vi. & Asæ foetidæ gr. xii, sex parandas singulisque noctibus duas sumendas imperavimus.

Die 9no, Respiratio longè magis quàm antea difficilis, & dolori Lateris Pleurítico ac vehementiori conjuncta. Metuimus à Venæ sectione malum eventum: nempe, ne exinde Pustulæ Miliare retrocessissent. Urgentia autem Symptomata prævalebant; & emissi Sanguinis sperato fructu, tum Ægrotâ, tum nosmet freti fumus. Hoc tamen non sine Decocto Pectorali, Boloque antea in usu, & Spermatis Ceti ℥b. sumptis: Quibus & addimus Emplastrum laterale è Pice Burgundicâ, Haustumque vesperi Paregoricum, & Oleum Lini in promptu habendum, sumendumque urgente Dyspnœâ.

Die 10mo, respirabat paulò liberius, mitiusque Latus doluit. Spiritus tamen defecere maximè. Interim Miliarium Pustularum moles conspicua & multitudo præbebant salutis spem haud medicrem. Quas Diaphoreticis adhuc fovendas pro penso habuimus imprimis accurando. Et ad Dyspnœam, etiamnum prævalentem, jussimus Olei Lini Cochl. ij. secundâ quaque horâ sumenda. Et si Alvus indè laxa fuerit, mixturæ sequentis Cochl. aliquot bibenda.

R. Diascordii ℥ij. Aq. Pulegii ℥vi. Epidem. ℥j. Ms.

Die 11mo, Pustulæ Miliare erant laudabiles, spiritus quodammodo refecti, Dolorque aliquanto mitior. Respiratio tamen adhuc difficilis, sedesque paulò molliores. Bolo itaque & Apozemati Pectorali jam in usu adjecimus Decoctum album alternis vicibus sumendum, Emplakra Vesicatoria, Brachiis applicanda, & horâ somni haustum sequentem:

R. Aq. Puleg. ℥ij. Tinct. Martis gutt. xx. Ol. Amygd. dulc. ℥j. Syr. de Mecon. ℥vi. Ms.

Die 12mo, Pustulæ Miliare satis conspicuæ; at difficilior Respiratio, & Diarrhœa, adhuc perterritere. Bolum etiam cum Julapio, Oleum Lini, mixturam cum Diascordio, & Haustum pacificum iterari voluimus.

Die 13to, subsistere sedes, Pustulæque Miliare adhuc optimæ. Dyspnœa tamen, Laterisque dolor, paulò pertinacior. Bolum itaque præscriptum continuandum. Et quòd ab Oleo Lini

maximè abhorruerit Ægrotâ Ol. Amygdal. dulc. Cochl. j. tertia quaque hora bibendum. Nec non Hyssopi folia cum Radicibus Helenii Decocto Pectorali addenda.

Die 14to, cum intermittente Diaphoresi febrilem calorem accendi; continuari Dyspnœam, & Vesicarum Ulcera penè exsiccata vidimus. Quare præter antea præscripta repetenda, Vesicatorium inter scapulas applicari voluimus.

Die 15to, Spiritus ei longè magis, quàm ab aliquot diebus retro actis, fuere depressi. Loco itaque Boli hæctenus in usu, sequent. substituumus.

R. Confect. Raulens ℥b. Croci, salis Vol. salis Armon. an. gr. vi. Syr. Caryophil. q. s. f. Bolus, Reliquaque ut antea sumenda.

Die 16to, Spiritus aliquantò vivacior, leviorque Dyspnœa; Dolor tamen lateralis paulò asperior. Ideoque Bolum præscriptum priorem, Haustumque pacificum cum Decocto pectorali repetendum.

Die 17mo, Eadem quæ die præcedente jussimus sumenda, Jam enim, & hinc indies omnia meliora videbantur. Tandemque membra, hæctenus Paralytica, vim suam motivam aliquatenus recuperavere. Postquam itaque Mannæ ℥j. in Decoct. Pectorali dissolutas sumpsisset, fotum præscriptum Tibiis applicandam, Vini Chalybeati usum, & ut Barthoniam adiret.

#### Historia Febris Miliaris cum Delirio, Motibusque Convulsivis.

AUGUSTI 8vo, 1700. vocatus sum, ad D. Bullock apud Insigne calcei Equini, in Vico Cheapside vulgò vocato, Cui Pharmacopœus erat D. Weyer in Vico vocato Woodstreet. Vicissimum quartum annum agebat, constitutione pituitoso-melancholicus, & adhuc Cælebs.

Post itinera quædam rure peracta sensit ægritudinem, cum diminuto appetitu, depressosque spiritus, atque oppressionem Pectoris cum suspiriis, per intervalla. Pro remedio Vinum nonnunquam, & Aquæ cujusdam cordialis aliquantulum bibere solebat. Appetitus tandem omnino abolitur. Et pridie quàm illum visitavi, Vomitu, Diarrhœâ & Hæmorrhagiâ Narium correptus est. Sumpto autem Medicamento quodam interno, & Nuchæ appposito Vesicatorio ex Pharmacopœi præscripto, ista disparuere Symptomata.

Cum ergò primùm Ægrotum adiverim, horrore quodam laborabat, cum frigore & calore, se mutuo insequentibus, sed temporibus incertis. Maximam etiam pectoris oppressionem cum suspiriis & languorem spirituum passus est: Nec non Animi perturbationem, per intervalla ad Delirium usque recurrentem. Item Manuum & Linguae Tremorem, cum Motibus Convulsivis & Vigiliis. Pulsus etiam frequens & debilis; lingua viscositate alba obducta, sed sine siti; & urina sanorum similis.

Ex oppressionem pectoris & languore, hanc Febrem in Miliarem, eamque ex inæquali calore ac leni simplicem, terminaturam prænovi. Ideoque Carpis Emp. Vesicatoria, & Plantis pedum alia ex Cephal. cum Euphorbio & Pice Burgundica applicanda jussi, & sequentia sumenda ad lenem Diaphoresin excitandam.

R. Pulv. è Chel. Cancr. comp. Lapid. Goensis an. ℥j. Ms. f. Pulvis sexta quaque horâ è Cochl. j. Julap. seq. sumendus, superbib. Cochlearia vi.

R. Aq. Ceras. nigr. ℥viii. Cinam. bord. ℥iv. Epidem. ℥j. Sacchar. perlati q. s. Ms. f. Julap.

Et ut Sudor lenis continuè & facilis emanaret, seq. Apozema addendum curavi.

R. Rad. Fragar. Chelidonia major. an ʒj. Fol. Fragar. Mis. flor. Paralyseos p. ij. sem. Cardui benedicti. ʒj. Bulliant in Aq. font. q. s. ad ʒʒj. Colatura add: Syr. Croci, ʒj. Ms. f. Apozema, ac quo sumat Coch. x. saepe in die.

Die 9no, Calor, sine subsequente Frigore, regularis fuit & Cutis humida, spiritusque non multum defecerunt. Ager tamen de quadam oppressione pectoris cum suspiriis valde querebatur, & Deliria, Tremores, Motusque Convulsivi adhuc perfliterent. Ideòque Pulveris, Julapii, & Apozematis usum suasi continuandum. Et ad viscidam materiam linguæ & palato obductam, mucilaginem, ex Sem. Cydoniorum & Psylli cum Hordeo coctis, os colluendum præscriptum.

Die 10mo, Calor similiter ac die præcedente regularis sine renovato Frigore, Cutisque humida. Sed Motus Tendinum Convulsivi adhuc majores. Quapropter Vesicatoria Tibiis internis applicanda jussi: Lapid. Gosii. ʒj. cum Pulv. de gutt. ʒʒ. ex Aq. Lact. alex. Coch. j. sexta quaque hora lumen dum superbib. Coch. X. Et quoniam erat Ager nauseabundus, regioni ventriculi apponendum Emplastrum sequens.

R. Empl. Stomach. Magistr. part. ij. Caranna, Taccamah. an p. vi. Ol. Cinam. gust. vi. Ms. f. Empl. Et ut vicibus interpositis bibat haustum Julapii cum gut. XV. mixturæ ex Sp. C. C. ʒʒ. Tinct. Castor. ʒj. Et in quantum præscripta Mucilago vix quicquam in viscidam materiam linguæ adhaerentem prævalebit, Gargarismatis sequentis usum imperavi.

R. Aq. Meliss. ʒvi. Epidem. ʒj. Syr. de Althaa, Fajubin. & Mellis Mercur. an ʒj. Ms. f. Gargarism. Aquam addidi Epidem. ne quid mali, etiam si parum deglutiret, acciderit.

Vesperis plera que conspexi ut antea. Motus quidem Convulsivi rariùs iterabantur; verùm spiritus valdè defecerunt, mannumque superiora frigeabant, volis interim calore affectis. Idcirco, omisso Pulvere de gutteta, Bolus sequentem præscripsi.

R. Conf. Lujula ʒj. Bezoar Orient. ʒʒ. Croci gr. vi. Castor. gr. iv. Syr. Paralyseos q. s. Ms. f. Bolus sexta quaque hora sumendus cum Julapio antea præscripto.

Die 11mo mala Symptomata ferè disparuerunt. Ideòque ultima præscripta jussi continuanda. Sed quia Apozematis patientem tædebat, in ejus locum subliuui Aq. Lactis & Decocti. Pectoral. an ʒʒj. pro potu ordinario, ut eò meliùs gustui gratificarem. Nec quicquam jam de Diarrhæa, quasi ex Decocto accidere possit, metum offerebat.

Vesperis omnia ut antea. Proindèque in usu omnium ultimò præscriptorum persistendum decrevi.

Die 12mo similiter: exceptà quâdam corporis inquietudine. Ad quam Vesicatoria pone Aures applicanda jussi, & sequentem Haustum statim sumendum.

R. Aq. Paralyseos. ʒiij. Croci ʒʒ. Syr. Paral. ʒʒ. Ms. f. Haustus.

Die 13io Inquietudini prædictæ jam abolitæ supervenit Hæmorrhagia narium. Quare suasi Ager, ut assatim bibendo potum ultimò præscriptum, sanguinem dilueret; Sed & persisteret in usu Boli, Julapii, & Mucilaginis. Et si de novo accideret Hæmorrhagia, sequens sumeretur Haustus.

R. Aq. Spermatis. Ranar. ʒiij. Syr. Plantag. ʒʒ. Ms. f. Haustus.

Sub vesperam Hæmorrhagia substitit. Reliqua Symptomata, viz. Delirium, Tremores, Motus

Convulsivi, Languores, Pectorisque oppressio, in statu eodem ferè ac antea fuerunt. Ideòque & ultimò præscripta continuavi. Hoc solum addendo, ut Apozematis, ex Decocti Hordei ʒʒj. Syr. Viol. ʒj. sumeret Coch. X. ter in die, tepidè.

Die 14to, Aegroti conditio penè eadem: nisi quòd aliquanto magis delirabat. Immiscui itaque singulis Bolis Camphoræ grana aliquot, & cætera continuanda jussi.

Die 15to Pustulæ Miliæ tandem emissæ Spiritus Animales elevarunt. Attamen Tremores, Motusque Convulsivi iidem manebant, & Delirium potius videbatur exacerbari. Cùm autem id fieri ex eruptione Pustularum nimis tardè ac rarè existimarem; Antimonium Diaphoreticum (cujus efficaciam, tum ad Pustulas expellendas, tum ad sedanda Deliria, expertus sum) sequenti modo præscripsi.

R. Antimonii Diaphoret. ʒj. Conserva Lujula ʒʒ. Syr. Paralyseos q. s. Ms. f. Bolus sumendus è Cochleari Potus pectoralis, superbibendo Haustum ejusdem. Post horas quinque Bolus cum Castoreo & Croco sumendus jussi, atque ut alternis vicibus repetantur. Et ut injiciatur Gargarismus ope Syringæ saepe in die: quia lingua, Antimonii Diaphoretici usu, frequenter viscido humore inficitur.

Vesperis uberiùs altiùsque exlabant Pustulæ; aliaque Symptomata mitiora sunt, Delirio solo excepto. Quare & prohibui Volantia, Antimonium autem Diaphoreticum quinta quaque hora, cum Decocto pectorali, repetendum mandavi; & Gargarismatis Julapiique usum continuandum.

Die 16to Pustulæ erant adhuc crebriores, eaque majores quàm quæ primò pullulabant. Longè etiam levius Delirium per intervalla. Ideòque censui optimum fore, ut Aegrotus persistat in ultimò præscriptorum usu. Quoniam tamen Tremores, Motusque Convulsivi, non obstante Pustularum eruptione, ex aliquâ parte manebant; Vesicatoria Brachiis internis applicanda jussi.

Vesperis omnia penè ut tempore matutino. Excepto Delirio, quod sit adhuc mitius. Ex causæ nempe metastasi, à Cerebro in Brachia. Nam Motus Convulsivi intensiores fuere. Quare & ultimò præscripta judicavi continuanda.

Die 17mo Pustulæ numerosiores auctioresque erant. Motus tamen Convulsivi reliqua Symptomata prope eadem. Tussis autem ac languor aliquantò graviore. Quare & antea præscriptis addidi Aq. Theriacal. Coch. j. in Spirituum deliquis; & usum seq. Apozematis.

R. Decoct. Pectoral. ʒʒj. Syr. Croci ʒj. Ms. sumat Haustum frequenter.

Vesperis Tussis Spirituumque defectus fuere leviores: Ideòque ultimò præscripta continuanda imperavi.

Die 18vo omnia ut die præcedente vidi, eademque remedia curavi repetenda.

Post horas autem aliquot elapsas à meo discessu iterum accersor. Motus enim Convulsivi aucti fuerunt ex improvise, Spiritusque magis defecerunt. Exinde verò nil metuebam; Pustulæ enim copiosissimæ enatæ, Motusque aucti Convulsivi; Delirium mitigarunt. Præscripti tamen Pulv. de gutt. cum Sem. Pæonia, & haustum ex Aq. Card. bened. ʒiij. Croci ʒʒ. Syr. Caryoph. ʒj.

Eodem die, paucas post horas, nuntius ad me occurrit, qui aiebat, Aegrotum brevi moriturum. Quem cùm revisi, laborantem inspexi Motibus Convulsivis, iisque gravioribus. Sed exinde Delirium fuit mitius. Et prædixi illius matri simile Motus repetitos iri donec à Delirio perfectè

tè liberaretur. Et ut prædixi, à proximè sequente Paroxysmo omnino evanuit; & tam Animi quàm membrorum quies restituta fuit. Cavendo tamen ne prædicta Symptomata novarentur, sequens Apozema (sæpissimè in Adultis, præcipuè autem infantibus expertum) præscripsi.

R. Ungula Alcis rasa ℥j. Sem. Pæon. Visc. Querc. an. ℥iij. Raf. Cran. Human. ℥ss. Coqu. leniter in Aq. font. q. s. ad ℥ss. Colatura adde Syr. Pæon. comp. ℥iij. Mf. f. Apozema. Sumat Coch. x. frequenter. Jussi etiam manuum volas pedumque plantas Oleo succini illinendas; succum Rad. Paralyf. tempore Paroxysmi Naribus attrahendum; sumendumque Bolum sequentem.

R. Conf. Anthos, Pulv. è Chel. Cancr. comp. an. ℥j. Castorei gr. vi. Syr. Pæon. comp. q. s. Mf. f. Bolum sumendum è Julapio antea præscripto. Et ne prædicta, si forsitan repeterentur, symptomata, tandem in Apoplexiam vel Convulsionem generalem terminarent, addidi Antimonium Diaphoreticum, ad Pustulas Miliare adhuc numerosius altiusque expellendas. Et ad feri sanguinis morbifici extrahendas reliquias Vesicatoria Femoribus applicanda jussi.

Die 19no Pustulæ copiosissimæ ad tantam crevere molem, ut lætæ unguis medietatem æquarent, ut Ægroti verbis utar. Delirio deinde Motibusque Convulsivis profligatis, manuum duntaxat Tremor, corporis debilitas, spirituumque aliqualis languor superstites fuere. Boli itaque & Antimonii Diaphoretici loco jussi Pulv. è Chel. Cancr. comp. ℥j. cum Julapio antea præscripto sexta quaque hora sumendum, ad leniter continuandam Diaphoresin. Ut languoribus Aqua Theriacalis usurpetur: in potum ordinarium Apozema Antepilepticum: Et ad linguam, adhuc quodammodo affectam, Gargarisma.

Die 20mo omnia in eodem loco ac in die præcedente stabant. Excipe id tantum, quòd Pustulæ videbantur paulò minus turgescere. Mandavi itaque ut Antimonium Diaphoreticum Pulvisque è Chel. Cancr. compositus alternis vicibus sumerentur. Et Gargarismatis, Julapii, & Apozematis ultimò præscripti in usu persisteret.

Die 21mo Pustulæ versus siccitatem declinabant. Apozema tamen, cum Pulv. de Lap. Goenf. & Pulv. de gutt. censui continuandum, Nec non Gargarisma cum Mucilage, ad linguam nondum ab immunditie omnino liberam.

Vespere calorem linguæ sensit, & internum, sine sudore. Præscripsi itaque Margaritarum pp. ℥j. singulis dosibus Pulveris jam in usu addendum. Et ex haustu potus ordinarii Spir. C. C. gutt. xx. secundà vel tertîa quaque horâ sumerentur, donec lenem Diaphoresin excitaverint.

Diebus 22do & 23to, cum omnia optata viderim, novissimè præscripta decrevi repetenda.

Die 24to, cum internus calor usque persisterit, Pulverem jam in usu suam continuandum. Et in languoribus Sal. Vol. Oleof. cum Spir. C. C. ex haustu potus ordinarii sumendum.

Diebus 25to & 26to, reliquâ omittendo, solummodo Sal. Vol. Oleof. ex potu ordinario sumend. jussi. Et Julapium sequens ad languores, si fortè acciderint, in promptu habendum.

R. Aq. Ceras. nigr. ℥viij. Scordii compos. Saxon. frigid. an. ℥j. Pæon. comp. & Syr. Pæon. comp. an. ℥j. Mf. E. sic tandem Æger perfectè convaluit.

Historia Febris Miliaris ex Opii usu desinentis in Apoplexiam.

Augusti 4to, 1697. evocatus sum ad D. Thom. Western, in Vico Thames street dicto, cui D.

Lancashire, erat Pharmacopœus?

Vir ille habitu obeso gravabatur; & Plethora: Magno Capite, buccinata facie, brevique Collo præditus. Unde & quocunque morbo antea laboraverat, Caput ei semper doluit, & delirabat. Ante dies aliquot lavavit Pedes, & cum amicis liberè comedit. Postea verò de Nausæ & Ægritudine, cum Calore & Frigore irregulariter recurrentibus, Spirituumque languore & oppressione pectoris cum suspiriis querebatur. Nec Aqua quædam Cordialis, quam sponte sumpsit, Ægritudinem levavit.

Cum prædicto die illum visitaverim, Pulsus erat frequens & debilis; Nausæ & Ægritudo, nihilo mitiores. Cum Calore & Frigore, vicibus alternis, sed duratione incertis, Spirituum defectus, Pectorisque maxima oppressio cum suspiriis. Nec sine quâdam perturbatione, quoties somnus irrepere inceperat. Quibus omnibus ritè perpensis, imprimis Haustulum sequentem præscripsi.

R. Salis Vitriol. Vomit. ℥ss. Ex Aq. Jugland. comp. sumatur. Et in languoribus bibat Julapii sequentis haustum. R. Aq. Menth. ℥x. Epid. ℥ss. Sir. de Menth. ℥j. Mf. f. Julapium.

Die 5to Nausæ & Ægritudo minores sunt. Idem verò languor, eadem Pectoris oppressio, & Ægroti dormituri perturbatio, Pulsus adhuc frequens & debilis. Manuum caluere volæ, minimè superiora. Urina sanorum similis; Calorque internus sentitur absque siti. Ex quibus Symptomatis novi Febrem adesse Miliarem. Ut itaque lenem excitarem Diaphoresin, proprioque potu illam fovendo, Symptomatis prædictis obsisterem, sequentia præscripsi.

R. Pulv. è Chel. Cancr. comp. gr. xxv. Syr. Caryoph. q. s. Mf. f. Bolum è Julapio antea præscripto, sumendum sexta quaque hora.

R. Decoct. Flor. ℥ss. addendo inter coquendum Cochinellæ ℥j. Colaturæ adde Syr. Caryoph. & Viol. an. ℥j. Mf. f. Apozema. Sumat haustum per intervalla.

Vespere omnia vidi emendatiora. Ideòque Bolum ad ℥ss. augendum & continuandum præscripsi. Ut persisteret in usu Apozematis; & in languoribus, cum Salis Volat. Oleof. gutt. xx. vel Aq. Theriacal. Coch. ij. At si remissior fuerit Diaphoresis, loco Salis Vol. Oleof. Spir. C. C. gutt. xx. sumeret. Et quoniam Patientis amici eundem narrabant in nullo Morbo tandiu à Delirio fuisse liberum, hoc itaque præcavendo, Vesicatorium Nuchæ, & Emplastrum suppedalia applicanda præscripsi.

Die 6to, manè, cum omnia eadem ac die præcedente viderim, jussi antea præscripta continuanda.

Vespere quædam in pejorem partem inclinabant; Paucula enim verba locutus est ineptè; & cum Nausæ singultiebat. Præscripsi itaque Empl. Stomachic. Magistral. cum Caranna, Taccamahacca, & Ol. Cinamomi, regioni ventriculi applicandum; & Postetum Salviæ & semine Anethi alteratum: utpote in singultu à me probatum & expertum, pro potu ordinario.

Die 7mo, minus singultiebat; post duas tresve sedes, à Delirio omnino liberabatur; Pustulæque Miliare super Pectore emicuerunt.

Hodie Ægroti Amici alium Medicum mihi addiderunt Collegam. Is sedes, ne Pustularum eruptioni obstaret, cohiberi voluit; Ideòque Astringentia ex Diacordio & similibus quamprimum adhiberi. Ego verò, sumendo argumentum à materiæ morbificæ Colluvie, nempe tum ad pustulas replendas, tum ad sedes sufficiente, suam contrarium. Allegavi etiam exempli loco, sceminam quandam generosam, quæ à Diarrhæâ, errore quodam suppressâ, indeque morbosa materiâ ex partibus inferioribus in Cerebrum irruente, paucas post horas obiit. Et in nostro Patientem, scilicet obeso habitu, brevique cervice, & eâ ratione ad Apoplexiam proclivi, multò magis humorum

Metast.

Metastasin nos cavere instabam debuisse. Attamen, ut in hac re mediam ineamus viam, assensum haud difficilem præbui. Præscriptimus itaque Bolus ex Margaritar. & Corallior. pp. an. gr. xv. Salis Absinth. gr. viij. Syr. Caryoph. q. s. Et ut bibat Decoctum album, Cochinellâ concoctâ, & Aq. Cinamom. Hord. alteratum, instar potûs ordinarij. Ut Emplastrum ex Galbano Umbilico applicetur; ut & mucilage, Aq. Rosarum extracta, os madesiat.

Vespere Diarrhæa multò mitior fuit. Sed aliquanto plus delirabat Ager; fortè à sedibus rarioribus. Neque à singultu omnino abstinuit. His animadversis, addidimus antea præscriptis Emplastra Vesicatoria Brachijs internis applicanda. Emplastra etiam subpedalia, & Posssetum alteratum, ut à me antea præscriptum.

Die 8vo, tertius Medicus ad consultandum vocatus suam opinionem, de sedibus necessariò suppressendis, statim proposuit. Dixitque aliàs impossibile fore (ut ipsius verbis utar) Pustulas emitti. E contra Medicorum prior, atque egomet objecimus materiæ morbificæ abundantiam, & Delirium aliæque periculosa Symptomata, ex illius Metastasi metuenda: Sed frustra. Ille itaque sequentia præscripsit.

R. Theriac. Androm. ʒʒ. Pulv. è Chel. Cancror. comp. Spec. Consect. de Hyacinth. an. gr. xij. Syr. Cydon. q. s. Ms. f. Bolus sumendus è Julapii seq. Cochli. j. superbibendo Julapii dimidium quamprimùm, reliquum post horam vel primam sedem.

R. Aq. Cinam. Hord. Mentb. an. ʒij. Epidem. ʒj. Syr. è Mecon. ʒʒ. Diacordii ʒj. Ms. Et Emplastrum Vesicatoria tibijs applicanda.

Collega primò vocatus illi assensit de Bolo sumendo; sed Julapium constanter reprobavit. Nihilominus ambo Medicamenta (circa nonam matutinam præscripta) sumpta sunt.

Circa tertiam vel quartam pomeridianam iterum convenimus, intelleximusque patientem statim à suppressis sedibus in Apoplexiam incidisse. Quem etiam, Pustulis Miliaribus in universum deletis, sensibus orbem vidimus. Quare & Vesicatoria Capiti & Carpis quamprimùm applicanda iussimus, Sternutatorium è Flor. Liliï conv. insufflandum, & sequentia sumenda.

R. Salis Vol. Oleof. Tinct. Castorei sp. Lavend. comp. an. ʒij. Ms. Sumat frequenter gutt. xxx. circiter. ex haustulo Julapii seq.

R. Aq. Meliss. Ruta an. ʒij. Paon. comp. ʒib. Spir. Lavend. comp. ʒij. Tinct. Castor. ʒj. Syr. Paon. comp. ʒj. Ms. f. Julapium ut supra sumendum. Sed incalsum omnia: Nam paucas post horas mortuus est.

*Historia Febris Miliaris ex Aere frigido admisso Lethalis.*

Sept. 25. 1700. Evocatus sum ad D. Arnold. Cœviliatij Westmonasteriensis uxorem. Cui obstetricis officium præstitit D. Watson: & Pharmacopœi, D. Broughton, in Vico vocato Tuttlestreet.

Illam, antequam parturiret, dolore Colico, ventriculo, ut aiebat, quasi onusto, & spirituum defectu ingemuit.

Cùm die supra dicto primùm adiverim, Aquæ ferrosæ, ex membranis Foetum in Utero includentibus sed jam disruptis, effluerunt; & Infantis caput extra orificium Uteri internum hærebat. Nempe ex viæ angustia, capitis mole majori, spirituum defectu, doloreque mitiori, quàm qui ad partum sufficeret.

De eodem spirituum defectu, etiam post partum exemptum, adeò querebatur, ut astantes omnes illam putarent brevi morituram. Cùm autem hoc Symptoma jam idem videretur ac ante partum, idemque Pulsus; imminens periculi nil metuens, Febrem adesse Miliarem palam indicavi, Pustulasque prædixi

Miliares, tandem aliquando exituras. Ut itaque lenem Diaphoresin consuetâ meâ methodo excitarem, seq. præscripsi.

R. Pulv. è Chel. Cancr. comp. ʒj. Castorei gr. iv. Syr. Paralyf. q. s. Ms. f. Bolus quam primùm sumendus è Cochli. j. Julapii communis.

Die 26to Medicus alter magni nominis de Patientis salute consultitur: Quam adhuc de Spirituum defectu & oppresso Pectore querentem audivimus. Ex quo præcipuè Symptomate prædixi etiam alteri Medico, Pustulas Miliares suo tempore erupturas.

Ægrotæ Pulsus frequens adhuc & debilis; Calor universus, & sine alterno Frigore; Urina saniorum similis; verum à Colico dolore (forfan Alvi bis solutæ beneficio) libera evasit. Ne tamen Lochia minuerentur ex Diarrhæâ, Pilulas imperavimus sequentes sumendas.

R. Castorei gr. vi. Ase Fatid. gr. xij. Laud. Lond. gr. j. Syr. Atripi. q. s. Ms. f. Pilul. n.º. vj. Sumat ij. urgente Alvo, & deinceps quariâ quaque horâ. Sumantur autem è Cochli. j. sequentis Julapii superbib. haustulum ejusdem.

R. Aq. Ceras. nigr. ʒvij. Cinâ. Hord. ʒiv. Epidem. ʒx. Margar. pp. ʒj. Sacchar. albiss. q. s. Ms. f. Julap. sumendum ut supra præscriptum est, & in languoribus.

Die 27mo Ægrotam in eodem statu, quo die præcedente, vidimus: Exceptâ leviori quadam cordis palpitatione. Iussimus itaque ut persistat in usu Pilularum cum Julapio, sumatque gutt. xx. Salis Volat. Oleof. in haustu potûs ordinarij, & in languoribus prædictum Julapium.

Die 28. Pustulis Miliaribus jam in conspectum eminentibus, Spiritus minus defecerunt, mitiora suspiria, minor oppressio. Rectè etiam effluabant Lochia & Alvus mediocriter soluta fuit. Consulimus itaque Pilulas sine Laudano sextâ quaque hora sumendas. Mater verò puerperâ, mortem ex Diarrhœa pertimescens, obnixè rogabat fisteretur. Ea, ut videamur ex aliquâ parte ad ejus mentem accedere, mandavimus sequentis Julapii usum.

R. Aq. Mentb. ʒij. Epid. ʒib. Confection. Fracass. ʒj. Syr. è Mecon. & de Mentb. an. ʒʒ. Ms. f. Julap. de quo sumat Cochli. iv. urgente Diarrhœa. Et ut persistat in usu salis Vol. Oleof. & Julapii perlati.

Die 29no. Ægrotam visitantes, intelleximus admodum timuisse matrem ob Diarrhœam & illi multò largius, quàm à nobis concessum est, de Julapio præbuisse: Sedesque exinde primò inspissatas fuisse, postea omnino suppressas. Unde & palpitatio, pectorisque oppressio, majores subsecutæ sunt. Quapropter sequentia censuimus sumenda.

R. Croci ʒʒ. Sumatur è Cochli. j. ad Lactis superbib. Cochli. v. Sumat etiam Tinct. Croci gutt. xx. ex haustulo Aq. Lactis saps. Usu etiam Croci, ad cordis palpitationem, fluxum Lochiorum, Spirituum defectum, Pustulasque Miliares altius emittendas, respectum habuimus: Demumquè persistat in usu Pilularum sive Laudano, & Julapii in languoribus. Et matris importunitati cedentes, præscripsimus etiam Julap. cum Diacordio in promptu habendû: dicebat enim mater, se id velle. Ægrotæ etiam percontanti, an semet in lecto erigere, & ventilabro uti liceat, necne? assensus est alter Medicus. Atque etiam, ut in se collectis cortinis pateat lectus; ignisque extrueretur vel nullus, vel duntaxat parvulus. Interim mihi ab illa quærenti, an ex Aere frigido, Collo vel Pectori admisso, quicquam mali sentiret; respondet, semet exinde Spirituum defectum Pectorisque oppressionem sensisse. Quamobrem illam obnixè rogavi, ut toto illo die calido utatur regimine; eoque potius, quòd ille esset dies Febris Lactæ: Ne cessante Diaphoresi Pustulæ Miliares retrocederent. Sed à nostro discessu sibi Aerem admisit, Pustulæque

que Miliare subitò occultabantur. Unde materiae morbificæ in cerebrum facta est Metastasis, statimque ægra sensibus orbata est.

Cùm eventus meæ responderet prognosi, seorsum vocatus sum: sed jam nullum vidi præscribendi locum.

Ex hisce duabus Historiis clarè constat, Febrem Miliarem, cum Symptomatis mitioribus incipientem, ex minimo errore fatalem sæpe exitum habere.

*Historia Febris Miliaris, ubi quoddam Animi Delirium maxime mirabile supra biduum erat continuatum.*

Sept. 12, 1697. advocatus sum ad D. Hall, ad insigæ Leopardi in *Blackman-street*, propè Divi Georgii Templum habitantem, nono post partum die. Cui Pharmacopœus D. Bynn. & obstetrix D. Cretier, in Vico *Abchurch-lane* vulgò dicto.

Hæc puerpera annum agebat trigésimum octavum, & sexum jam partum enixa est. Constitutione debilis; tam ex partu semper difficili, quam dolore Colico sæpe recurrente; quemque nuper passa est cū Calore & Frigore alternis, & cum oppressione Pectoris, Spirituumque languore. Quæ Symptomata ab amicis tantummodo vapores, ut vulgò vocant, usque ad diem quo infans baptizatus est, communi errore, æstimabantur. Quo die visitantium multitudo ad eò fuit obstrepera, ut exinde Spiritus ejus, antea debiles, intensè perturbarentur, & Tremore ac Motibus Convulsivis correpta fuerit: tantæque corporis inquietudine laboraverit, ut maritus vix potis erat eam in lecto retinere; donec tandem, die scilicet, illum quo advocatus sum, præcedente, in Convulsionem universalem incidit, & summo languore jacuit quasi penè mortua.

Die supradicto, cùm circa nonam matutinam Patientem visitaturus sim, mihi Domestici narrabant, maritum ejus meum adventum per nuncium inhibuisse: jussisseque, si forte adsim, ne me in cubiculum admittant: putabat enim illam reverà animam reddidisse. Et cùm, nolentibus illis, ægrotam adiverim, illam equidem absque pulsu, absque respiratione (ut per speculum ori & naribus appositum probavi) facieque mortis pallidissimâ, in lecto immotam & extensam Ego & astantes conspeximus.

Nihilominus è facto scrupulosiori de antecedentibus scrutatio conjecturam feci, mortis similitudinem illam à materiae morbificæ in totum genus nervosum Metastasi provenisse. Nam mihi hic in mentem id venit, quod notatu dignum est in Pisciculis Tubulo vitreo incluisi & per Microscopium inspectis: in quibus scilicet, conspicua est Sanguinis Circulatio, etiam si mortui videantur. Prohibui itaque ne per dies aliquot hanc ægrotam stragulis denuclarent, & non ante septimanam sepeliendam. Et multâ contentione obtinui Cucurbitulas cum Scarificatione, inter Scapulas, & Femoribus internis applicari permittant; Emplastra Vesicatoria pone Aures & super Carpis apponi; tempora & manuum volas pedumque plantas Oleo succini illiniri; succum Paralyticos, & ex Helleboro, Salviâ, & Floribus Betonicæ Sternutatorium Pulverem, naribus alternis vicibus insuillari; & Haustum ex Aq. Lact. ℥iij. Castor. gr. vi. Syr. Artem. ℥vi. nec non Apozema pro D. Bullock præscriptum, si fieri possit, vi in os injici.

Post penè biduum, die scilicet 13tio, circa quartam pomeridianam, missi ad me Domestici narrabant, Chirurgum, simul ac hanc puerperam inspexerat, admiratione percussam interrogasse, an Cucurbitulas mortuæ applicari vellent. Utcunque tamen eismorem gerens, Cucurbitulas Femoribus apposuit; at

Tom. II.

non inter scapulas, ad eò multum rigebat. Vesicatoria etiam Carpis applicarunt. Cæterum die supradicto, nempe 13tio vesperi, licet ne minimum respiraret, visa est tamen parum calefcere. Jussi itaque Cranium humani ℥j. cum Aq. Rutæ & Syr. Artemisiæ, si fieri possit, in os immitti.

Die tandem 14to, circa quartam matutinam, molliorè respirare, atque etiam deglutire incepit. Ideoque Emplastra Vesicatoria inter Scapulas applicanda iterum præscripsi. Et ut gutt. xx. Salis Volat. Oleos. sumat sine vehiculo. Quo facto, Pustulæ Miliare demum in conspectum venerunt. Et in earum incrementum sequentia sumenda consului.

R. Pulv. è Chel. Cancr. comp. ℥b. Sumatur quarta quaque hora, è Cochli. j. Julapii sequentis superbibendo Cochli. iij.

Aq. Cinam. flor. ℥iv. Rutæ ℥iij. Pa n. comp. ℥b. Sacchar. albiss. q. s. Ms. f. Julap. um. Et ut bibat de Apozemate ex Ung. Alcis pro potu ordinario.

Die 15to loqui, seseque movere valuit; & de dolore ex Vesicatoriis edidit querimoniam: Pustulæque Miliare super Pectus pullularunt copiosissimè. Ideoque antea præscripta censui continuanda.

Die 16to Pustulæ molem acceperunt adhuc multò majorem, mensque illi redintegrata est. Nec amplius oppressione Pectoris, aut languore, sed solâ corporis imbecillitate, laboravit. Quapropter & sequentia præscripsi.

R. Pulv. è Chel. Cancr. comp. gr. xxv. Aq. Lact. alex. ℥iij. Epidem. ℥ij. Ms. f. Haustus sex. à quaque hora sumendus.

R. Rad. Scorzon. Hisp. ℥i. Cort. Aurant. cond. ℥vj. fol. Galæga, Meliss. an. Mj. flor. Cord. au. 1 p. Sem. Card. bened. ℥b. Coqu. in Aq. font. q. s. ad ℥ij. Addendo Colaturæ Syr. Limon. ℥j. Ms. f. Apozema, de quo sumat Haustum ad libitum; & in languoribus Aq. Theriacalem.

Ægrotam ad eò bene se habentem abhinc usque ad diem 19um omisi visitare. Jamque solùm Stomachica quædam amara præscripsi, ad accendendum appetitum: Sumeretque post quartam noctem Sacram Tincturam, aquasque *Sveithamenses* die sequente. Quo facto, in omnium admirationem perfectè convaluit. Tametsi, ut audivi, in Nare, durante Febre, nimis compressâ passa est Sphacelationem. Quâ Chirurgi ope sanata, alios quinque vixit annos; tandemque, ut mihi ejus maritus retulit, ex dolore Colico & Convulsionem eidem superinductâ è vitâ discessit.

*Historia Febris Miliaris in Chronicum Morbum terminantis.*

An. 14to. 1699. evocatus sum ad D. Berenbergi puerperam, tunc in plateâ *Walbrook* vulgò vocatâ habitantem. Cui ut Pharmacopœus inserviebat D. Basket, Obstetricis autem officium præstabat D. Taylor, in plateâ *Pater-noster-Ron*.

Querebatur, dum parturiret, de virium maximâ imbecillitate. Et post partû ut assistentes mihi narrabant, tantâ oppressione Pectoris, cum Spirituum defectu, laboravit, ut ad trahenda suspiria cogeretur. Ex illis tamen Symptomatis nihil præter Hystericos vapores, ut vulgò vocant, suspicatae sunt. Pædie autem ejus diei, quo me advocarunt, cùm mammae ad lactandum infantem denudasset, & ad relaxandam alvum super aquæ calefactæ vaporem sedisset, frigori que multò semet exposuisset; exinde tandem spirituum angustia, respiratione difficili, Asthmatis convulsivi æmulâ, Tussique siccâ, ad eò depressa fuit, ut illi mortem esse in propinquo existimaverint.

Cùm primum illam adiverim, de prædictis affectibus,

D d d

ibus,

tibus, atque etiam de vigiliis querelas edidit. Pulsus illi erat frequens & debilis, & febrilis calor. Urina tamen pallida, & Lochia omnino suppressa.

Ex antecedentibus supra memoratis illam Febre Miliari laborare censui: attamen in principio mitiori. Quamdiu, scilicet, consueto puerperarum regimine gubernaretur. Postquam autem, eo ipso tempore, ut verisimile est, quo Miliarium Pustularum eruptio instabat, se irruenti frigori denudaverat; materiam morbificam, retrogrado motu Pectori interiori impactam, supradictum Asthma creasse, conjectare licet. Nam ut in Pectore à me inspecto Pustulas tunc primò pullulantes, ita & duntaxat paucissimas, cernere poteram.

Statui itaque, mihi consuetà methodo, lenem sudorem & continuum excitare. Et ut alia Medicamenta, convulsivo Asthmatis, reliquisque Symptomatis, puerperisque commoda adungerentur. Quamobrem & sequentia præscripsi.

R. *Spermatis Ceti* ℥j. *Bezoar. Orient. Croci an.* ℥ss. *Syr. Heder. terrest.* q. s. *M. f.* Bolus sumendus è *Cochl. j. Aq. Ladis alex. superbibendo Cochl. x.* His enim, Lochiis promovendis, Asthmatis levando, excitandis spiritibus, & sudoribus magis liberis consului. Et ut Patienti illiusque amicis placerem, qui hanc Febrem Hystericum affectum aestimârunt, atque etiam Lochia feliciter continuarent, Pilulas sequentes præscripsi.

R. *Castorei gr.* vj. *Afa fatid. gr.* xii. *Syr. Pwon. comp. q. s. M. f. Pil. no. vj.*

Die 15to optimè se habebat. Nam ex quo Bolus sumerat, spiritus fuere elevatiore, facilior respiratio, renovatus effluxus Lochiorum, urina coloratior, Pustulæque Miliare super Pectus magis conspicuæ. Bolus itaque die præcedente præscriptum censui repetendum, addendo *Pulv. de gutt. grana aliquot*, ne Asthma convulsivum recurreret. Umbilico etiam Emplastrum ex *Taccamahacca*, & Emplastrum subpedalia applicanda iussi. Et in languoribus sumeret Haustum Julapii perlati. Nec non *Aq. Theriacalis Cochl. ij.* alternis vicibus.

Vesperis, ex leni persistente sudore, respiratio adhuc facilis, Pustulæ Miliare densiores, Spiritusque minus defecere. Ideoque ut in usu Bolorum antea præscriptorum persisteret, duxi optimum fore: Sumeretque, pro renata, succi fimi Equini in *Aq. Card. Bened. & Tuleg.* infusi & expressi. Nimirum, ut Lochiorum effluxus, volatilibus fimi particulis, excitaretur.

Die 16to noctem intellexi præcedentem sine ullo Symptomate Ægrotæ transisse. Antequam verò ab illà discessi, respiratione convulsivâ iteratâ, vires subito diminutas sentii. Præscripsi itaque Haustum sequentem.

R. *Aq. Lact. alex.* ℥ij. *Epidem. Syr. Carioph. an.* ℥ij. *Lapid. Goens. Pulv. de gutt. an.* ℥ss. *M. f.* Haustum Et post horas sex sumat etiam Bolus antea præscriptum, Pilularumque duas tempore intermedio.

Vesperis sudorem, ex sumpto Haustu, universalem dimanasse narrabant. Unde & magis extumescere Pustulæ Miliare, & Asthma diminutum est. Ideoque iussi persisteret in usu ultimò præscriptorum omnium, Et ad flatum, qui multum atulerunt molestiæ, Saccharo instillarentur Olei *Cort. Aurant. gutt. iij.* & sumerentur ad libitum.

Die 17mo, Cum prædicta Symptomata debellari viderentur, antea præscripta continuari consului.

Die 18vo, ex sudore intermisso, renovantur Symptomata, cum Ventriculi ægitudine, & quâdam confusione, quasi Delirii prodromo, conjuncta. Quamobrem ad restituendum sudorem, iussi ut in usu Haustus persistat. Addendo singulis Haustibus *Bezoar.*

*Orient. grana aliquot.* Ut cum posseto salviato aquam Theriacalem largè sumeret, & Emplastrum subpedalia repeterentur.

Vesperis ex sudore copiosè renovato iterum evanescere Symptomata. Neque exinde quicquam infirmatæ vires, sed potius auctæ fuere. Etiam quædam rubræ, & prurientes, miliaribus interspersæ, vi sudoris excreverint. Iussi itaque ut in usu Haustus & infusi persisteret.

Die 19no Pustulæ Miliare coeperunt exsiccare, & omnia visa sunt versus sanitatem perfectam progredi. Solummodo spirituum diminutione exceptâ. Quapropter & præscripsi usum Haustus cordialis continuari.

20mo vocatus sum circa quintam matutinam. Quippe quòd Ægrotâ in difficilem respirationem denuò incidisset: Non à Pustulis Miliaribus recessis; cum hæc jam antea penitus exsiccatæ fuerint: Sed forsan à materiæ morbificæ quibusdam reliquiis, viam quasi quærentibus qua excernerentur. Nam ex tribus sedibus, spontè ac subito supervenientibus, Dyspnoea omnino evanuit, atque Ægra quàm optimè convaluit.

Nihilominus ex illius amicis aliquis alium Medicum advocari vellet. Qui cum adveniret, & Pustulas Miliare, jam antea, ut dictum est, exsiccatas, nusquam vidit, sed tantummodo rubras; me, quòd hanc Febrem vocaverim Miliarem, irrisit: Dixitque rubras Pustulas à solo sudore posse oriri. Proindeque juxta indicationes quas sumpterat claudicantes aliquot dies præscripsit, sed re infecta. Deinde alius Medicus, & post illum tertius, atque quartus vocatus est. Qui omnes ignoti morbi curationem incautè susceperunt, donec in Chronicum tandem transiit. Quòd si noverint hanc Febrem reverâ fuisse Miliarem, & post exsiccatas Pustulas Miliare Crisin perficiendam naturæ commississent; nullus dubito, quin Morbi lætus fuisset exitus. Nam ab illo momento, quo Pustulæ Miliare etiam salubriter exarescere solent, non infrequenter observavi, materiæ morboscæ reliquias vel per Intestina, ut in hoc casu, vel per vias Urinarias, ut in sequenti; vel cum Lochiis per Uterum, ut in quadam *D. King,* in *Vico Fleetstreet* dicto, spontè & feliciter exterminari.

*Historia Febris Miliaris in Morbum Chronicum, tandemque Mortem, defluentis.*

SEPT. 17mo, 1709, vocatus sum ad *D. Bateman. D. Bateman,* equitis aurati, uxorem. Hæc ante viginti septimanas, in principio puerperii, dolore colico, oppressione pectoris, cum suspiriis spirituumque defectu, nec non pulsu frequente ac debili laboravit. Ex quibus Symptomatis morbum Febrem esse Miliarem palam prædixi. Et ex usu Diaphoreticum optimè se habere, sibi suæque Matri visa est. Prædicta enim Symptomata parvipenderunt. Ægrotam itaque diutius visitare nolui. Consului tamen, ut seipsam per mensem lecto affigeret, in eorum quæ præscriperam usu persisteret, & ab infantis lactatione abstineret.

Meo autem consilio obtemperare noluit. Proindeque post quinque septimanas à partu passa est recidivam, cum dolore colico & laterali, calore & Frigore alternatim recurrentibus, oppressione pectoris, cum suspiriis, spirituumque defectu. Ad Lateris dolorem Sanguis fuit emissus; unde & auctus Languor: Et quædam suffocatio, Hystericæ affectus similis, cum suspiriis illam premebat. Quæ Symptomata Vapores, ut vulgò loquuntur,

Ægra quàm ejus mater æstimarunt. Cùm revera à Venæ sectione, catameniorum tempore, orta sint. Nam Lochia, quæ à partu ad sextam septimanam usque duraverant, exinde subito suppressa fuere, & deinceps ad illius è vitâ exitum.

Jamque, quod ante exacerbationem Symptomatum magis frigeret, Morbum putarunt Febrem esse intermittentem: Etiam si Pustulæ Miliæres hoc tempore fuere conspicuæ. Nilominus sumpsit corticem Peruvianum ex præscriptione Pharmacopœi. Ex quo motum morbum: Pustulis adhuc magis augendis aptæ, in cutis superficiem impeditum, eandemque aliò transmissam fuisse, minimè dubitandum est. Primò super Femur, Tibiam, pedemque; quem Chirurgus scarificabat: Deinde & super intestina; ubi genuit Diarrhœam: Nec non super Nervos pulmonum, ramosque Arteriarum capillares; ubi Asthma, cum Tussi spuatōriâ & foetida produxit. Verum ex emisso è pede sero minimè remissior fuit Dyspnœa.

A Junii 23io, ad 25um, Medicus præscripsit Bolum ex Pulv. e Chel. Cancr. compositis, Rad. Serpent. Virg. & Castoreo; Decollum album, Suppositivum, Empl. Felicæ. Nucha & pedibus Cephalicum.

Junii 25io, Corticis Peruviani Decoctum. Die 26, Corticis Peruv. Pulverem. 28vo, Julapium ex Aq. Lact. 3jv. Mentha, Cinamoni hord. an ʒj, Laud. liq. ʒj, Conf. Fracast. ʒij, in Diarrhœam.

Julii 8vo, Lac. Asinum cum Pulvere Margaritarum, è Chel. Cancror. sum. lice. & Saccharo perlato. Nec non Infusum amarum ex Absinthio Romano & Sem. Cortanari; addendo Colatura, Gummi Ammoniaci Aq. Pavn. comp. & mirabil. an. q. s. dissoluti ʒj, & Aq. Ceras. nigr. ʒvj.

Die 9no, Corticem Peruvianum. 16to. Bolum ex Pulvere è Chel. Cancr. com. & Theriacâ Andromac. Et Decollum album cum Rad. Tormentillæ. 29no. Infusum amarum, & Pilulas ex Pulvere Millepedum.

Aug. 3io, Pilulas ex Pulv. Ari comp. Myrrha & Syr. Balsamico, Et Decollum ex Cortice Sassafras, Sem. Dauci, Baccâ Juniperi, Rad. Eryngii condit. & Aq. Calcis q. s. addendo Colatura Aq. Nephriticæ.

Die 17mo, In consultatione cum alio Medico. Pilulam Martensianam, 19no. Vesicatoria Nucha & Brachii applicanda. Pilulas ex Galbano, Gum. Ammoniac, Croco, & Opobalsamo. Et Julapium perlatum.

Sept. 6to, Enea ex Decollo albo, Theriacâ Androm. & Discordio. Infusum amarum ex Radicib. Gentiana, Helenii, Absint. & Marrubii foliis, Sem. Dauci & Baccar. Junip. in Aq. font. infusis, addendo colatura Viæ Chalybeatæ. Et Bolum ex Discordio, Terrâ Japonicâ, & Ol. Cinamoni.

Die 13io. Vesicatorium parvum, cum Epispastico Unguento, ad diu continuandum Ulcus. Pilulas ex specieb. Diambræ, Castoreo, Sale Volat. C. C. & Galbano. Et Julapium Hystericum.

Hactenus tres Medici magni nominis, duoque Chirurgi non incelebres Ægrotam visitarunt. Et hanc Morbi methodique præscribendi Historiam, majori ex parte, ab Illâ illiusque Matre, iterum advocatus accepi.

Jam tum difficili respiratione, Diarrhœâ, & manuum artuumque inferorum Tumore gravata est: Adeo vertiginosa & languida, ut bis uno die ne Syncope moriretur metuerint. Pulsus ei valde frequens ac debilis. Et circa meridiem, Calore, Rubore, & Dyspnœâ, quotidie affectam fuisse narrabant.

Horum omnium, ferè à Morbi principio, Symptomatum, tres quatuorve Causas fuisse arbitror. Quotidianum scilicet è lecto egressum, Lactationem, Venæsectionem, & è sumptis Medicamentis imprimis corticem peruvianum. Hæc enim omnia pustulorum miliarum incremento & durationi certum est obstitisse, & materiam morbificam in pulmones,

Tem. II.

Intestina, Artusque inferiores transfulisse.

De hoc Morbo, quod sit immedicabilis, feci prognosin. Præcipuè ob summam Ægrotæ imbecillitatem; & quod Dyspnœa & Diarrhœa contraria indicarent.

Triste confessâ est, multum pernituisse se, me posterus vocatis Medicis non associatum fuisse: Præcipuè, quod suam Sororem in simili casu à me sanatam meminerit. Jam tamen à me proposita Vesicatoria nullibi apponi voluit, etiam si Respirationis difficilis & Vertigo exigent. Fontanelias itaque inter scapulas aperiendas suasi. Et in ventris Tormina, Diarrhœam comitantia, Spiritum Millepedum, cujus efficaciam sepe expertus sum, ex haustu potius ordinarii, ad gutt. xx bis in die sumendum præscripsi. Et ut sextâ quaque horâ Bolum ex Spermate Ceti, Pulv. e Chel. Cancr. comp. & Croco, ad Menses movendos, lenem Diaphoresin excitandam, Respirationemque allevandam, deglureret.

Die 20mo, in reditu meo à Regio apud Windsoriam Castello visitavi ægrotam, eamque à Vertigine omnino liberam conspexi, ejus spiritus haud mediocriter refectos, ventris Tormina consopita, & suppressam Diarrhœam, ut postea mixturâ opiatâ non opus fuerit. Persistentibus autem Dyspnœâ, ac inferorum Artuum Tumore, & universâ imbecillitate indies auctâ, post unam atque alteram septimanam obiit.

*Historia Febris Miliaris cum largissimo Urinae effluxu circa finem.*

Julii 29no, 1705. D. Loyd Lintearius, apud Cynaræ Insigne in platea Cheapside dictâ, cuique D. Basket erat Pharmacopœus, me ad suam Filiolam septem annos natam evocavit.

Habitudine erat tenuior, Temperie calidior. Spiritus illi vivaces, sed facile dissolubiles. Diebus aliquot præcedentibus, ex Calore interno cutis aridior fuit. Pridie hujus diei, cancrum comedit. Ex quo noctu ægrotabat, & calore vehementi siique correpta est. Quibus etiam Spirituum defectus, Vomitus, Pulsus frequens ac debilis, & Urina sanorum similis accessere.

Et morbi antecedentibus & Symptomatis prænotavi hanc Febrem fore Miliarem. Ideoque lacteo Enemate, ad primas abluendas vias injecto, pro meo more decrevi lenem ac continuam Diaphoresin excitare, calidæque interim & siccæ temperiei diluentibus favere. Præscripsi autem sequentem in modum.

R. Pulv. è chel. cancr. comp. gr. viij. sumantur è cochl. j. Julapis sequentis, superbibendo cochl. ij. vel iij.

R. Aq. ceras. nigr. ʒviij. Epidem. ʒj. Sacchari albiss. q. s. Ms. s. Julapium.

His addidi Emplastrum, ex Cephalico cum Euphorbio, & pice Burgundica, subpedalia.

Die 30mo visitanti mihi narrant, Ægrotam ex Enemate Alvum satis dejecisse: Noctemque magis placidam, quàm præcedentem, illi contigisse. Non admodum multum ardebat; calore tamen & frigore alternis mitius affecta fuit, vomitioque omnino suppressa. Et jam primùm super Pectus Pustulæ Miliæres in conspectum venere. Præscripsi itaque ut persisteret in usu Pulveris; & ad diluendam materiam febrilem, sudoremque fovendum, Possatum Salviatum affatim potaret.

Die 31mo, Spiritus minus oppressi sunt, & mediocriter refecti. Sed ex usu Possati intermissio paulò plus caluit; Pulsus frequentior, sed debilis; Pustulæ tamen Miliæres aliquanto magis fuere conspicuæ. Præscripsi itaque Pulveris è Chel. Cancr. comp. gr. viij,

D d d a

1011

totidemque Margaritarum præparat. alternis vicibus sumenda.

Aug. 1<sup>mo</sup> Pustulæ Miliæres sunt tumidiusculæ, Calorque internus minor. Externè verò paulò plus caluit, cutisque leni Diaphoresi humectabatur. Jussi itaque post subductam Alvum ex injecto Enemate antea præscripta repetenda.

Aug. 2<sup>do</sup> Spiritus fuere vivaciore, Calorque adhuc minor internè. Consulit itaque perflitteret in usu Margarit. pp. cum Julapio quartâ quaque horâ: Et ad tuendum caput Emplastra Vesicatoria pone aures applicanda.

Aug. 3<sup>io</sup> non adeo equidem externè calebat; Verùm pustulæ Miliæres aspectum habebant minus laudabilem. Censui itaque pulverem è chelis cancr. compositum in usum revocandum. Quoniam verò puellæ mater ægrè ferebat Medicamenta adeò frequenter sumenda, sequentia præscripsi.

R. Aq. ceras. nigr. ℥ij. Epidem. ℥jss. pulv. è chel. cancr. comp. ℥j, Sacch. albiss. q. s. Ms. f. Julapium; de quo sumat Haustum sextâ quaque horâ, agitata phiala tempore usûs. Et sumeret Margar. præp. Dosis in omnibus intervallis. Uteretur etiam Mucilage ex sem. Cydon. & Pyl. Syr. è Rubo Idæo edulcorata. Et Empl. subpedalia repeterentur.

Aug. 4<sup>to</sup> Calor erat multò intensior, nec sine quibusdam motibus convulsivis. Puella enim, cujus calida erat naturalis temperies, largius de Julapio potaverat, quàm debuit. Præscripsi itaque, Julapii loco, Margarit. pp. ℥ss, sextâ quaque horâ sumendum, è Julapii sequentis Cochli. j, superbib. Cochli. iij.

R. Aq. Lact. alex. ℥viij, Epidem. ℥j, Syr. è Cort. Citr. q. s. Ms. f. Julap. Et ad teri Sanguinis partem acriorem diluendam, ut lactis aquam alexit. sumeret edulcoratam, instar potûs ordinarii. Si diaphoresis suppressa fuerit, singulis aquæ prædictæ haustulis Spiritus C. C. gutt. iv. adderentur; Et Julapio immisceretur Pulveris de gutt. ℥j.

Die 5<sup>to</sup> motus quievit Convulsivi, Calor fit mitior, Spiritus animales vires sumunt, Pustulæque Miliæres jam in principio declinationis sunt. Quæ clare indicant, mala antea memorata Symptomata non tam à Morbo, quàm à Julapio, nimia quantitate sumpto, provenisse. Jussi itaque in novissimè præscriptorum usu perflitteret. Naturæ enim non imperandum, ut bene monet Baglivus, sed illius monitis parendum est.

Die 6<sup>to</sup> Febris adeò declinavit, ut Pustulæ Miliæres desiccari inceperint. Præscripsi tamen, ad Febrilem Calorem superfluum extinguendum, ut Lactis aquam cum Margarit. præparatis Puella assatim bibat, & cortex Peruvianus in promptu esset, pro re natâ sumendus.

Die 7<sup>mo</sup> summo manè advocor. Tantâ enim copiâ, tanque subitò miuxit Puella, ut de illâ, antequam matula afferri potuit, effluerit Urina. Unde pertimuit mater, ne Diabetes, & deinde mors sequerentur; ut suo nepoti accidisse aiebat. Cùm reverâ partim ex Aq. Lactis, die præcedente liberalius potatâ; partim è Pustulis Miliæribus, tum exsiccatis, eveniret. Quemadmodum in antea descripto casu, & in eodem Morbi tempore, materiæ morbificæ reliquæ, ad Crisim perficiendam, per Alvum abierunt. Quod & hic forsân accidisset, si patientis temperies minus calida, Alvus naturâ laxior, ususque Margaritarum parcius fuisset. Et in simili casu hujusmodi Morbi reliquæ per Lochia nonnunquam

expelluntur: ut D. Kûng, ad Trium Regum Insigne in Ludgate-hill, cui Pharmacopœus erat D. Alen, accidisse memini. Illi enim, statim à Pustulis Miliæribus penitus exsiccatis, Lochia, instar Sanguinis super Carbones adulti, nigricantia, sine ullâ causâ evidenti, aut subsequente periculo, per horam integram emanarunt. Et quoties evacuatio neutrius prædicti generis post exsiccatas Pustulas contingit, sæpe vel Calorem internis partibus hærentem, cum pressurâ Spirituum, deprehendo; vel quavis levi de causa recidivam patiuntur Ægri, & nonnunquam mortem subitanam: Vel ex materiâ in Artus rejectâ, aut Erysipelas, aut Hydropicus dolensque Tumor generatur.

Hæc omnia puellæ matri sigillatim monstravi, quò melius eam à timore liberarem. Nihilque amplius agendum, præter virium instaurationem: vel Corticis Peruv. usum, vel Pulveris Testacei cum Lacte Asinino; cujus usus ei antea bene cessit. Alium tamen Medicum associari voluit. Eodem verò tempore ipse evocor ad Nobiliss. D. Clarendonia Comitem, ut de ejus nepote, Honorabil. D. Obrian, consulerem. Ideo & alter Medicus sequentia solus præscripsit.

R. Pulv. de gutt. Lapid. Contray. an. gr. vj, Castor. Salis Vol. C. C. an. gr. ij, Conf. Alchem. sine Mosch. ℥j, Syr. Paon. comp. q. s. Ms. f. Bolus statim sumendus, & sextâ quaque horâ, solutus in Cochli. j. Julapii.

R. Decoct. albi ℥ij, Aq. Cinam. bisd. ℥j, Sacch. albiss. q. s. Ms. f. Apozema pro potu ordinario.

R. Salis vol. Oleos. ℥ij, sumat gutt. vj, frequenter in potu quovis ordinario.

Et applicentur Emplastra Vesicatoria Brachii internis & inter Scapulas.

Hujus præscripti Chartulam D. Basket Pharmacopœus ad me misit. Quâ perlectâ, stupore quodam percussus sum; dixique, cùm minimè retrocesserint Pustulæ Miliæres, sed regulariter & sine quovis pravo Symptomate exsiccarentur, me, ex Medicamentis calorificis, & à puella calidi temperamenti ac debilitatâ sumptis, nil melius quàm Febrim de novo accersam, mortemque minitantem sperare.

Nec me mea fefellit conjectura. Cùm enim circa nonam vespertinam puellam visitaverim, ut omnia, secundum præscriptum ultimò memoratum, intellexi facta fuisse: ita & puellam ardore vehementissimo, cum siti ingente, linguaque arida, & respiratione difficili, laborantem vidi. Attamen, absente altero Medico, nihil præscribere mihi visum est.

Die proximo manè nobis, unâ Puellam visitantibus, narratum est, illi pessimè transisse noctem, & jam ardebat maximè sitique valde urgente & Dyspnœâ afflicta fuit. Et mihi interroganti alterum Medicum, qualibus indicationibus satisfecisse proposuerat? Respondet, se me absente, qui solus Morbi Historiam enarrare potui, Pustulas Miliæres retrogradas æstimavisse. At cùm id fieri non posse monstraverim, habita consultatione, & concessit Medicus dosim diminuere, & sequentia præscribere.

R. Lapid. Contray. Pulv. de gutt. an. gr. iv. Croci. Castor. an. gr. j. Syr. Paon. comp. q. s. Ms. f. Bolus sumendus è Cochli. j. Julapii. Sumeretque ad diluendos humores Decoctum album pro potu ordinario. Et ne ex Alvo adstricta usque Boli Calor excitaretur, suppositorium præscripsimus ex Melle & Sale Gemmeo.

Die 9<sup>no</sup> Calor fuit remissior, liberiusque respiravit.

usque respiravit. Præscripsimus itaque Enema ex Lacte Saccharato, Bolusque unum.

Die 1<sup>mo</sup> in statu longè meliori Puellam vidimus; Symptomatis, à calidis Medicamentis ortis, contopitis omnibus. Attamen ad recuperandas vires, Calorisque interni recursum præveniendam, Pulverem præscripsimus sequentem, è Cochl. j. Lactis Alumi sumendum, superbibendo lib, tepide.

R. Pulv. è Chel. Cancr. comp. Margar. pp. an. gr. vj, Mj. f. Pavis.

Die 2<sup>to</sup> ut adhuc tutius præmoniamus puellam, ne illi febrilis calor novaretur, consulimus, Cort. Peruv. Pulv. ʒʒ. è Cochl. j. Julapio quarta quisque hora sumendum; & pro re nata, Aq. Lactis haustulum. Et ad perficiendam valetudinem Rus adiret, ubi saniori statu semper gaudebat.

Haud multo post audiivi, illam iterum male valere, aliosque advocari Medicos. Id autem minime mihi displicebat: nam sub eorum cura obiit; cum antea, me illam curante solo, Deoque favente, tam bene illi res cesserit, ut è Febre mediocri tempore evaserit.

*Historia Febris Miliaris in Mamma Apostema terminans.*

Junii 2<sup>do</sup> 1699, ad Viri admodum Honorab. D. Trevor Commun. Placitor. Justiciarii Capitalis Uxorem, jam defunctam, circa sui Puerperii principum evocatus sum. Cui Pharmacopœus erat D. Geilshor; oblectrix, D. Dodson.

Cum gracili corpore animum possedit tranquillum; Spiritus tamen nativos debiliores. Ante partum in Calorem internum sæpe incidit. Postea dolere Dorsum & Femora, ut in Puerperis solent: Et doloribus remissis, horrore correpta est; quem Febrem esse Lacteam putarunt Mulieres: tertio enim à partu die contigit.

Quoniam tamen Spiritus deficere sensit, die prædicto vocatus sum. Cum observaverim Symptomata, quadam oppressione Pectoris suspiria cogente, summe dejectis Spiritibus, Capitis dolore Pulsuque frequenti ac debili, illam laborare vidi. Urina sanorum similis, Palmæ erant calidæ, Lochia effluiebant, Alvusque potius accessit ad Laxitatem. Denudato autem Pectore, inibi numeravi Pustulas Tres Miliare. E quibus, etiam paucissimis, satis apertè constabat, hanc Febrem esse Miliarem. Mihi autem id affirmanti Digniss. D. Hamden, alneque astantes, vix assentiri voluerunt.

Attamen ex numero Pustularum aded parvo materiam ad eas fovendas aptam aliò tendere suspicatus sum. Ut itaque earum eruptionem leni & continua Diaphoresi promoverem, sequentem Haustum sexta quaque hora sumendum præscripsi.

R. Aq. Lact. ʒij, Paon. comp. ʒʒ, Pulv. è Chel. Cancr. comp. gr. xv, Pulv. de gutt. ʒi, Syr. Meliss. q. s. Mj. f. Haustus.

Pulverem è Chel. Cancrorum paulò minori quantitate præscripsi, ne motum Sanguinis magis accelerem, quam Diaphoresi jam excitatæ continuandæ per esset. Ad tuendos nervos, si Pustulæ fortè retrocessissent, addidi Pulv. de gutteta cum Aquæ Lactis majori Dosi diluente.

Præscripsi etiam ad Capitis dolorem Emplaf-

Tom. II,

trum Vesicatorium inter Scapulas applicandum, & Empl. subpedalia. Et pro Alimento ut Pulverum jus sorberet. Quod, ut magis nutritum, in hac Febre potius quàm in quavis alia, præcipue in natura debilibus, præbere soleo. Quibus & adjunxi seq. Julapium ad libitum sumendum.

R. Aq. Meliss. ʒviij, Cin. mos. hord. ʒiv, Epidem. ʒj, Sacch. perlari ʒij, Mj. f. Julapium.

Die 3<sup>to</sup> melius se habuit, ex omni parte. Attamen, ne remitteretur Diaphoresis, præscripsi Bolus sequentem.

R. Conf. Anth. ʒʒ, Pulv. è Chel. Cancr. comp. ʒʒ, Syr. Meliss. q. s. Mj. f. Bolus sumendus cum Julapio.

Vespere Febris exacerbata est primò contingentibus Symptomatis. Quibus etiam accessit Respiratio difficilis: Nec non levior Diarrhœa, è Lochus diminutis. Nam excrementitia materia tentabat transitum ab Utero ad Intestina. Sequentem itaque Bolus cum Julapio sumendum præscripsi.

R. Conf. Anth. ʒʒ, Theriacæ And. ʒ, Pulv. è Chel. Cancr. comp. Croci, an ʒ), Sy. Meliss. q. s. Mj. f. Bolus.

Theriacam prætuli Diacordio, quod non solum moderetur Alvum; sed & plurimum magis faveat sudoribus. Et, omnis alius Afringentibus, Crocum addidi, ut uberiorem Fluxum Lochiorum, sine astringente Glandularum Intestinalium, restituerem. Quacunq; enim Intestina astringunt, suum etiam Utero affectum imprimunt. Quod imprimis advertendum est, ne ex uno sanato Symptomate aliud generetur.

Veruntamen, ne Bolus supradictus minus sit efficax, seq. Julapium præscripsi in promptu habendum.

R. Aq. Ceras. nigr. ʒviij, Cinam. hord. ʒiv, Epidem. ʒj, Conf. Frac. ʒj, Conf. de Hyacinth. sine od. ʒi, Syr. de Mentb. ʒi, Mj. f. Julap. de quo sumat Cochl. iv. post scæas singulas. Et ne quid mali accideret ex Opiatis, præscripsi Vesicatoria Carpi applicanda. Quæ etiam in Diarrhœa nonnunquam profunt, dum materiam morbificam ad exteriora revellunt.

Die 4<sup>to</sup> à sumpto Bolo Theriacali somnum sudoremque secutos fuisse intellexi. Unde & omnia Symptomata in meliorem partem inclinarent. Neque astringentis Julapii opus erat. Præscripsi itaque Bolus cum Julapio perlato repetendum. At sine Theriaca; quod hic minus Calida ad continuandam Diaphoresin viderentur sufficere. Et inefficacis Medicamenti, majore quantitate quàm par est adhibiti, exemplum habemus in Salivatione. Hanc enim sæpe, & præcipue in debilibus, Mercurii dulcis gr. v. vel x, singulis noctibus sumpta, feliciter producant, quàm ejusdem Medicamenti Tripla Dosis. Cujus etiam rei Testis est D. Tindal, Pharmacopœus. Qui, cum hanc methodum cuidam patienti præscripsissem, multà admiratione dixit, se nil inde expectare: nuper enim Doses multò majores prædictæ Patientis Filix, à magni nominis Chirurgo dari, & vel undecim hebdomadas frustra continuari, viderat. Vèdum Mercurius dulcis nimia quantitate sumptus Sanguinis motum aded accelerat, ut materiam, quæ ex mediocri Dosi per Glandulas Salivales secerni solet, Vomitione aut Sedibus expellat. Et notum est, in Melancholicis Al-

vum facilius subduci Medicamentis Lenitivis, quàm Catharticis plerisque fortioribus. Et pari modo ludor jam profluens, Diaphoreticorum Dosis augendo vel nimis frequenter repetendo, sæpe in ardorem desinit.

Attamen ne ad continuandum sudorem decisset materia, Apozem. seq. præscripsi.

R. Rad. Fragar. Chelid. major. an. ℥ss. fol. Meliss. Fragar. Chelid. an. p. ij. Sem. Card. bened. ℥ij. flor. Cordial. an. p. b. Coquantur in Aq. font. q. s. Colatura ℥ss. adde Aq. Epidem. ℥ij. Ms. f. a. ozema.

Vespero rediit exacerbatio, sed multò levius. Bolum itaque Theriacalem repetendum præscripsi. Deinde, post horas sex, Bolum sine Theriaca: Et emplastra subpedalia applicanda.

Die 5to Symptomata quæque vidi benigniora, Pustulæque Miliæres ad maturitatem properantes. Præscripsi itaque ut in usu Boli sine Theriaca, Apozematis, & Julap. persisteret.

Quoniam tamen Dyspnoeam renovari posse suspicatus sum, si exacerbationes prædictæ iterentur, donec Pustulæ exsiccatae fuerint, alium Medicum in consultationem vocandum monui, quem Patientis Amici nominarunt. Vespere itaque convenientes, Symptomata totum illum diem fuisse leviora intelleximus. Jam verò, vidimus omnia, nempe Diarrhoeam, Dyspnoeam, Spirituumque defectum exacerbari. Præscripsimus itaque sequentia.

R. Pulv. è Chel. Cancr. comp. Conf. Fracastor. an. ℥ss. Syr. Caryoph. q. s. Ms. f. Bolus sumendus in Cochli. j. Julapii sequentis, superbibendo Cochli. v.

R. Aq. Ceras. nigr. ℥v. Pulv. Bryon. comp. an. ℥ij. Margar. pp. ℥ij. Sacch. albiss. q. s. Ms. f. Julapium.

Die 6to mane, non obstante Bolo, Pateriens sexies sedem petiverat, noxque ei inquietè transit. Nec jam Exacerbatio omninò finita fuit. Iussimus itaque Bolum continuandum, & Vesicatoria Brachiis internis applicanda. Quibus addidimus Gargarismum ex Decocto Plantaginis cum toto, & seq. Enema.

R. Seri Lact. Vno Hisp. separati ℥x, Elect. è Baccis Laur. ℥i. Sacch. rubr. ℥ij. Ms. f. Enema.

Attamen interrogatus seorsum à D. Hodges, Egrotæ matre; Quid ad magnum illum Spirituum defectum sit faciendum? Suscepit, ut in Aq. Lact. haustulo Croci sumeret ℥ss. & post aliquot horas repeteret.

Vespero nobis narratum est, Patientem omisisse Bolum cum Diacordio. Sed Croci, ut à me præscripti, usu repetito, levioribus Symptomatis diem transgressisse. Nam ex leni sudore Pustulæ Miliæres laudabili modo extulerunt. A juvantibus itaque indicationem fumentes præscripsimus Pulverem sequentem.

R. Pulv. è Chel. Cancr. comp. 36, Croci Pulv. gr. vj. Ms. f. Pulvis sexta quaque hora sumendus cum Julapio.

Die 7mo visa est optimè se habere. Alvus ei mediocriter soluta fuit; nempe longioribus intervallis, & sine virium jactura. Neque inde Pustulæ Miliæres disparuere. Quam obrem, ut in usu alterno Boli sine Diacordio, & Pulveris ultimò præscripti cum Julapio, persisteret decrevimus.

Vespero Symptomata, cum difficili Respiratione & Diarrhoea, exacerbata sunt. Quare

& præscripsimus Bolum cum Diacordio, & reliqua ut antea.

Die 8vo etiam Bolum sumpsisset cum Diacordio, haud tamen ita bene sudasse aut dormisisset, ac post Bolum Theriacalem à me præscriptum Astantes aiebant. Magis enim inquieta fuit & calida, difficilisque adhuc respirabat. Præscripsimus itaque, ut in usu Pulveris persisteret.

Vespere videbatur novam pati exacerbationem. Ego verò ultimam nondum penitus finitam esse censui. Loco itaque Boli Diacordiali Theriacalem præscripsimus repetendum.

Die 9no intelleximus, noctem præcedentem fuisse facillimam. Et jam quæque Symptomata benigna, Pustulæque Miliæres, & numero & mole auctas vidimus. Præscripsimus itaque in Exacerbationis intervallis Bolum sine Diacordio aut Theriaca sumendum. Opiata enim tempore Exacerbationis sumpta melius operari, expertum habeo: præcipue si Vesicatoria simul applicarentur.

Die 10mo, post noctem valde pacatam Egrotam spirituum summo defectu, madore frigido & universali, præcipue in manibus, fractam mirati sumus. Præscripsimus itaque Croci ℥ss. ex haustulo Aq. Lact. bibendum; & suppositorium ex Melle Spec. Hier. cocto intrudendum. Ut Lap. Goens. ℥j. cum Croci gr. vj. sumeret sexta quaque hora; Haustumque cum Croco in languoribus & madore frigido. Nec non Apozema pectorale, cum Linctu oleoso, ad moderandam Tussiculam jam primò ortam. Ne Pustulis ad siccitatem tendentibus materiae morbificæ residuum in Pulmones irrueret.

Diebus sequentibus nihil præter Julapium perlatum & Crocum, in languoribus sumendum, & Dietam Nutritiam, præscriptum est. Quibus adeo vires Patientis auctæ sunt, ut postea materiae morbificæ reliquæ in Mammarum Glandulas tuto secernerentur. Verùm ad ejus imbecillitatem habita ratione, Pilula Tart. Quercet. aliquot vicibus sumpta, materiae prædictæ maturationem tardare volui. Quo facto, ita bene res cessit sub cura D. Bernardi Chirurgi Regii, ut paulatim, & pene sine dolore, Pus generaretur, & paucis post diebus optimè convalesceret.

Verumtamen paulo ante proximum Puerperium narravit Medico magni nominis se sub præcedente, Febre correptam fuisse; & ex Calore quem sensit interno timere ne similiter recurreret. Quare ille Medicus Sanguinis ℥x. Venæsectione emittendas consuluit. Quæ facta, ut Fœtum in Utero languidius moveri statim senserit; itaque cum ad partum ventum esset, adeo debilitata fuit, ut antequam illam adire potuerim, in ipso Conatu, ad excludendum Fœtum (etiam si hic rite positum) necessario, supremum diem obierit.

#### Historia Febris Miliaris, ex Frigore propè Mortalis.

Sub finem mensis Julii, 1706. vocatus sum ad Filiam D. Smith in Arca, Bartholomeo - Clofe vulgò vocata, statim post partum. Cui obstetricis officium præstitit D. Summers, & D. Spriget Pharmacopœi.

Post partum passa est Fluxum Lochiorum nimium, cum Pectoris oppressione maxima spirituumque defectu: nec non frequenti Pulsu ac debili mani.

manibusque superius pene frigidis. Quorum symptomatum, cum nulla causa, sive ad Infantem, sive placentam, habita ratione, apparuerit: à quodam Febrili Calore, ejus spiritus exhalante, & simul frangente Vasorum vim retinendi, pendere videbantur, Febremque Miliarem, latentem monstrare. Sequentia naque prescripsi.

R. Pulv. è Chel. Cancr. comp. ℥j, Castor. gr. iv. Syr. Paralyf. q. s. Ms. f. Bals in Cochli j. Julapii perlati communi is fumentu. superbib. Cochli. v. vel v. Id scilicet mihimet ipsi proposui, ut facta per Diaphoresin secretionem mediocri, moderet Uterinam. Nam ut Sanguinis Fermentatio aut Motus violentior secretionem minuit: ita & altera Evacuatio altera n. Quem duplicem Aphorismum, ex multiplici mea observatione enatum, habeo. Neque adeo tutò vel Astringentia prescripsissem, vel Opiata. Dum ex nimio Lochiorum fluxu, hoc modo diminuto, forsitan & fluxus naturalis defectus sequeretur. Cujus rei effectus quantum metuenti sunt, tam Medici quam Obstetrices bene norunt.

Mæque in hac re conjecturæ, sumpti Medicamenti operatio dedit Suffragium. Nam Boli usum, ut spirituum antea depressorum elevatio, ita & Lochiorum diminutio secuta est.

Dehinc, etiam si prænoverim, Febrim suam naturam brevi patefacturam: ne tamen Patientis Amici studere me lucro putarent, de illa tacens, consului, ut in usu Boli manserit & vesperi persisteret, in Lecto maneret, seque ab omnium consorcio averteret. Ut tranquilli esset Animi, pro Cibo forberet Pulli Gallinæci Brodium, nec non Decoctum Avenarum excorticatarum Vinosum; & pro potu ordinario, possetum Salviatum; addendo singulis haustibus cornu Cervi guttas aliquot, si Diaphoresis remissio contingeret; & in languoribus Salis Vol. Oleosi similiter. Hoc facto, Patienti in aliquot dies vallexi.

Deinde redeunti mihi narratum est ab adstantibus, mea mandata diligenter illam observasse, & mediocri usam fuisse valetudine; Vaporibus solis ( ut locuti sunt ) exceptis. Spirituum enim defectum. Pectusque oppressum passa est, cum Vigilis, & Animi perturbationem ex obrepente somno. Calore enim & Frigore alternis vicibus, sed inæqualibus intervallis & præcipue in sudoris intermissione recurrentibus, affecta est. E quibus Symptomatis adhuc certius prævidi, Pustulas Miliares, se tandem exhibituras.

Hujusmodi fere statum Febris retinuit usque ad diem Augusti undecimum. Ubi à prandio vocatus sum ad illum, Syncope ex improvise correptam: quamque brevi morturam Amici æstimarunt. Cum illi adsum, è Lecto surrexisse intellexi, & deinde statim in Syncopen incidisse: Nec ab eâ evasisse, donec in Lectum redierit. Ego verò Pustulas Miliares editas fuisse subolens, & irruente frigore retrocessisse; eas equidem in denudato pectore deprehendi, sed inter surgendum depressas.

In hoc casu non ad vehementer calida censui confugiendum. Ne, nimis Sanguinis accelerando motum, Pustularum uberiores proventum magisque aspectabilem impedirem. Verùm istiusmodi potius elegi Medicamenta, quæ, cum mitiora sint, feliciter excitarent Diaphoresin; & emittendo Pustulas, depressos Spiritus elevarent. Sequentem itaque in modum prescripsi.

R. Conf. Acetof. ℥j; Bezoar. Orien. Croci an. ℥℥, Syr. Paralyf. q. s. Ms. f. Boli sumendum è Cochli. j, Julapii sequenti superbib. haustum ejusdem.

R. Aq. Ceras. nigr. ℥x, Angel. comp. ℥j℥, Sacch. perlati q. s. Ms. f. Julap. de quo sumat haustulum ut supra, & in languoribus. Repetaturque Bolum sexta quaque hora.

R. Salis Vol. Oleos. ℥℥, sumat gutt. xx cum potu o dinarii haustulo aliquoties in die. Et subpedalis Emplastrum applicentur.

Die 12mo multò meliùs se habuit. Spiritus enim nec adeo depressi sunt, neque perturbati; Pustulæque magis confertæ, & expansæ, magisque extumescere. Unde eas ex frigore retrocessisse patet. Aliàs enim tantum progressum, tamque subitaneum fecisse, minime existimandum est. Jussi itaque ut in usu Boli & Julapii persisteret, fumeretque in languoribus Aq. Theriacal. tenuioris Cochli. ij.

Die 13tio cum quæque viderim laudabilia, ne sæpe visitando tædium Patienti affertrem crearemque sumendorum odium, sequentia, usque ad diem decimum septimum, continuandam jussi.

R. Pulv. è Chel. Cancr. comp. ℥j, Castor. gr. iv, Syr. Paralyf. q. s. Ms. f. Boli sexta quaque hora sumendus cum Julapii perlati haustulo.

R. Castor. gr. vj, Asa fetid. g. xij Syr. Paralyf. q. s. Ms. f. pilula n. vj, sumat ij, in Intervallis, ad fluxum Lochiorum continuandum.

Die 17mo pustulis jam exsiccatas, patiens usque quaque recte se habuit. Excepto quodammodo frigido madore, per intervalla, recurrente. Cui ut occurrerem, prævideremque ne quid mali à pustulis jam deletis accideret; jussi, ut in usu Boli dies decem persisteret. Et si è lecto surgendo delicti Spiritus sentiret; statim in eundem rediret, Bolumque prescriptum fumeret. Quibus obtemperando præceptis, perfecte convaluit.

Historia Febris Miliaris, cum Delirio maxime furioso.

MAii 24to 1699, evocatus sum ad D. Powell, in platea Basinghall-street vulgo dicta, Ancillam; cui D. Dalton erat pharmacopœus.

Hæc primò Capitis Dolore, & Frigore Caloreque alternis, sed mitioribus, Rure affecta fuit: Undè cum magno Spirituum defectu, & pectoris oppressione suspiria cogente. Quæ Symptomata, à mensibus obstructis & exinde Vaporibus ( ut vulgò loquuntur ) provenire, Domestici putarunt.

Cum autem in dies ingravescerent, primo meæ visitationis prædicto die, illam pulsu frequenti ac debili maximoque languore vidî laborantem. Adeoque vehementer delirabat, ut penitus nesciverit responsa dare, vociferaturque, etiam in Vicinorum Molestiam. Unde & judicavi, hanc Febrim fortè Miliarem. Sed ex omisso hætenus debito regi-

regimiae; materiam pustulis generandis aptam, partim inherere Sanguini, & ex parte Nervis impelli.

Præscripsi itaque Enema, ex Decoct. communis pro Clyst. ℥viij. Mellis Mercur. ℥ij. Sacchar. rubr. q. s. injiciendum quamprimum. Vesicatoria etiam Carpis applicanda, & ab Enematis finita operatione, Bolum sequentem sexta quaque hora sumendum.

R. Conf. Acetos. ℥℞, Pulv. è Chel. Cancror. comp. ℥j. Croci gr. iv. Sem. paon. gr. vj. Syr. Atrip. q. s. Ms. f. Bolus in Coch. j. Julap. sequentis sumendus superbib. Coch. iv.

R. Aq. Ceras. nigr. ℥viij. Aq. paon. comp. Syr. Atrip. an. ℥j. Ms. f. Julavium.

Ad deobstruendos Menses pilulas sequentes præscripsi.

R. Asa fetid. gr. x. Castor. gr. v. Syr. Atrip. q. s. Ms. f. pilul. vj. capiat ij, sexta quaque hora Bolorum usui interposita.

Et in Furorem, si insomnis fuerit, ut addatur Bolo circa horam quartam matutinam sumendo, Laud. Lond. gr. j.

Die 25to pulsus ei, ut antea, frequens ac debilis, persistitque vociferari. Non autem continuo deliravit, Bolum itaque cum Laudano Amici omiserunt, proinde & ipse Bolum sine Laudano, cum Julapio & pilulis, continuandum præscripsi.

Vespere paulo melior erat Morbi facies ac matutino tempore. Coeperunt enim sudores jam effluere, pauculeque in pectore pustulae Miliare pullulare. Alvus tamen, Enematis antea præscripti vim eludens, adhuc valde stricta fuit. Quamobrem & aliud iussi injiciendum.

R. Decoct. commun. pro Clyst. ℥viij. Elect. Lenit. ℥j. Conf. Hamech. ℥℞. Sacch. rubri q. s. Ms. f. Enema.

Et ab Enematis operatione finita, ut sumeretur Bolus sequens.

R. Conf. Acetos. ℥℞, pulv. Chel. Cancr. comp. ℥j. Syr. Melissa q. s. Ms. f. Bolus quinta quaque hora sumendus.

His addidi Mucilaginem ex Semin. Cydon. & Psyllii Decocto Hordei extractam, & Syr. è Rubo Idæo edulcoratam; sumendam cochleatim, sensimque deglutendam.

Die 26to ab astantibus intellexi, somni paululum obrepisse patienti post Enema rejecit, totamque noctem continuasse Diaphoresin. Plures etiam jam extitere Pustulae, & suspiria fuerunt rariora. Præscripsi itaque Bolum repetendum.

Vespero mihi narratum est, Ægotam omnia Symptomata de novo passam fuisse: Et in vehemente suo Furore se adeo in lecto iactasse, ut inde sudores subsisterent. Quos ut restituerem, Spirituumque turbulentiam pacificarem, Camphoræ usum, (in simili casu sæpe à me expertum) cum Emulsionem sequente consului.

R. Sem. Papav. albi ℥j. Amygd. dulc. excorr. n° xv. Contund. cum decoct. Hord. q. s. assundendo deinde ejusdem Decocti ℥viij. Edulcoretur Colatura Saccharo albo pro potu ordinario.

Iussi etiam ut Julapium repeteret, & Bolum cum Laudano die sequente mane.

Die 27mo dictum est, Patientem à sumpto Laudano vix quicquam dormire potuisse. Ex usu autem Camphoræ totam noctem persistit Diaphoresis; Pustulaeque plures extitere. Iussi itaque Bolum sine Laudano continuandum.

Die 28vo eadem Pustulae Miliare visæ sunt incredibili constipari numero. Quæ attamen haud usque adeo profecerunt, quin Delirium vociferansque Furor recurrerent. Cum itaque Antimon. Diaphoretici vim, tam ad Pustulas expellendas, quam ad compescendum Delirium, sæpe expertus sim, sequentia præscripsi.

R. Antimon. Diaphor. Pulv. è Chel. Cancr. comp. an. ℥℞. Ms. sumantur ter de die è Coch. j. Julap. sequentis, superbib. Coch. v.

R. Aq. Ceras. nigr. ℥vj. Meliss. ℥jv. Epidem. ℥ij. Syr. Melissa ℥j. Ms. f. Julap.

Et ad calorem internum ac sitim, linguamque fordidam ac siccam, præscripsi Decocti Hord. ℥j. Syr. Viol. ℥ij. edulcoratas pro potu ordinario.

Die 29no post noctem multò quietiorem quam antea, Pustulae fiunt adhuc ampliores. Unde & Vociferatio & Delirium accepere temperamentum. Lingua tamen manusque arefactæ sunt. Præscripsi itaque ut Bolo addatur Lap. Prun. ℥℞; ut bibat singulis Diebus Apozematis ℥j. & ut Empl. Vesicat. Tibiis applicentur.

Die 30mo omnia Symptomata optabilia sunt. Quare ut persisteret in novissime præscriptorum usu ad Junii 12. consului. Tandem, circa Junii 16. præscripsi Pil. Tart. Q. ℥j. secunda vel tertia quaque nocte sumend. ad sextam vicem. Quibus sumptis, perfecte, & præter omnium Domesticorum & Visitantium expectationem, convaluit.

#### Historia Febris Miliaris cum lasa memoria.

Aprilis 4to 1701, vocatus sum ad D. Buller in Neovington-Butts, cui ut Pharmacopœus inferviebat D. Hunter.

Ille, dum iter ad Londinum confecit, maximo Dorsi dolore, cum Ventriculi ægitudine, Vomitione & Dysuria, correptus est. Quæ Symptomata sibi visa sunt simpliciter Nephritica. Et Medicamenta quædam huc referentia frustra sumpsit. Prædicto die ad eum accessi. Et quoniam Antecedentia narrando, spirituum defectum & suspiria tacuisset, sequentem præscripsi Haustum Emeticum.

R. Salis Vitrioli Vomitivi ℥ij. Divide in Doses sex. Sumantur singula ex Aq. Jugland. comp. Coch. j. superbibendo haustum posseti sol. Card. bened. alterati. Et Vomitione finita, ut sumeret Pil. Stomach. cum Gum. ℥ij. ad Humoribus & Vomitionis eliminandas reliquias, & ad mundificandas vias Urinarias, ut die sequente mane bibat Aqua Strabonens. ℥ij.

Die 5to cessabant Vomitio & Ægrotudo, libereque tam per Urinam, quam per sedem, aqua Catartica effluxit. Dorsi tamen persistit Dolor; etiamsi mitiori gradu, Caloreque ac Frigore, vicibus alternis, sed inæqualibus, captus est, Pulsus etiam illi erat frequens ac debilis. Spirituumque penuria, & Pectoris oppressionem suspiria provocante, vexabatur. Unde conjecturam feci, hanc Febrem Miliarem esse futuram,

ram, & sequentia præscripti.

R. Lact. Guaf. Pulv. de gutt. an. ℥ss. Ms. f. Pulvis & Julapii perlati haustulo sexta quaque hora sumendus.

Die 6to Languor & suspiria leviora sunt. Cum verò Dorsi dolor potius ingravesceret; præter Pulverem antea præscriptum, monui Enema ex Decocto communi & Melle Mercuriali injiciendum. Eoque rejecto, ut Pulv. & Chel. Cancr. comp. ℥j. ex Haustu sequente sumeret.

R. Aq. Lact. alex. ℥ij. Epidem. Syr. de Meconio, Ol. Amygd. dulc. an. ℥ss. Ms. f. Haustus. Demumque, ut parceret Mucilago ad emolliendam linguam.

Die 7mo Dolor fit mitior; Spiritus autem perturbati sunt & depressi; forsitan ex sumpto Syrupo & Meconio nocte præcedente. Præscripti itaque Emplastica Vesicatoria quamprimum Brachiis internis applicanda. Et ad continuandum Sudorem Haustum sequentem.

R. Aq. Lact. alex. ℥ij. Epidem. ℥ss. Lact. Guaf. Pulv. de gutt. an. ℥j. Ms. f.

Et Spirituum defectu urgente, ut Haustum Julapii perlati, & Aq. Theriacal. Cochil. j. aut ij. vicibus alternis sumeret. Et ad linguam manusque jam paulisper trementes, ut cum Haustu potius ordinari Spiritus Lavend. comp. gutt. xx. capiat aliquoties in die.

Die 8vo Pustulæ Miliæres in conspectum venire. Ideoque multò lenior factus est Dorsi dolor; Spiritusque minus defecerunt, neque adeo sunt perturbati. Jussi itaque ut sumeret alternis vicibus Haustum ultimum præscriptum, & Bolum sequentem;

R. Bezoar. Orient. Croci an. ℥ss. Syr. Paralif. q. s. Ms. f. Bolus.

His addidi Apozema ex Aq. Hordeatæ ℥j. & Syr. Viol. ℥ij. Ut & Medicamentus & Pustularum materiæ expellendæ sit vehiculum. Nec non ad Renes Viasque Urinarias ablucendas, Alvumque plerumque strictionem, leviter relaxandam. Et Apozematis haustui Aq. Theriacalis aliquot Cochlearia minucula suasi addenda.

Die 9no auctus erat Tremor, nec sine quibusdam indicibus levioris Delirii. In quantum tamen Pustulæ, adhuc plures majoresque existerunt, spiritusque fuerunt minus depressi, jussi, ut in omnium antea præscriptorum usu persisteret.

Die 10mo symptomata, die præeunte mala, emendantur. Verùm jam orta Tussis levicula molestiam patienti attulit. Ideoque ne materiæ morbificæ reliquæ pulmonibus post pustulas desiccatas irruerent; sequentem Linctum præscripti.

R. Ol. Amygd. dulc. ℥ij. Syr. Heder. terr. Capill. Vener. an. ℥j. Sacch. albiss. q. s. Ms. f. Linctus.

Et ut loco Apozematis antea præscripti bibat sequentem Pisanam instar potus ordinarii.

R. Decoct. pectoral. depurat. Aq. Lact. alex. an. ℥j. Ms.

Et ut sumat sequentis mixturæ gutt. xx. cum haustu Pisanæ in languoribus.

R. Tinct. Castor. ℥ij. Salis Vol. Oleos. ℥ss. Ms. Demumque ut in usu Haustus & Bolorum persisteret.

Die 11mo cum omnia pene eadem ac in die

præcedente viderim, jussi ultimò præscripta continuanda.

Die 12mo ex noctis præcedentis vigiliis quodammodo perturbabantur spiritus: sed minime defecerunt. Quoad reliqua, mediocriter etiam se Ager habuit; Pustulæque in desiccationem inclinarunt. Ne tamen Morbi reliquæ in sanguinem Nervosque transferrentur; Vesicatorium inter Scapulas præscripti applicandum, usumque Bolorum & Julapii perlati repetendum.

Die 13to à Febre liberatur; excepta quadam spirituum perturbatione levicula. Ad quam Enema repetendum jussi; Bolumque cum Julapio mane & vesperi, & in languoribus sumendum. Ne Medicamentorum usui nimis subito defuisset.

Die 18vo ex Pilularum quarundam Catharticarum usu sensit se Capite multum leviri. Deinceps, etiamsi pulmones præcautione antea memoratâ evasere salvi, ex Morbi tamen reliquiis versus exteriora propulsis, Apostema fuit genitum: quod sub cura D. Hunter brevi sanatum est.

Ex hac Febre licet Aegroti Memoria læsa fuit maxime, exquisitæ tamen Diætæ usu, post bimestre spatium, perfecte redintegrata est.

N. B. Symptoma in Febre Miliari primò sensibile partem antea affectam fere semper occupare; ut in casu jam supra descripto contingit.

#### Historia Febris Miliaris ex sumpta Emulsione Lethalis.

Die 10mo Sept. 1700, vocatus sum ad Viri admodum Honorab. D. Trevor Aurigæ uxorem, in Candelariorum Societatis Aedibus habitantem, & jam puerperam; cuique pharmacopœus erat D. Hunter.

Tertio à partu die, febrili Horrore, Caloreque succedente, Febris Lactææ simili, correpta est. In maximum etiam languorem, pectorisque oppressionem cum suspiriis incidit, & infortis diem noctemque transegit. Quæ Symptomata, cum mete Hysterica vulgò putarentur; Aegrotæ hæc Hysterica etiam Medicamenta, sed frustra iunxit. Quamobrem à Digniss. viro D. Thoma Lane Equite Aurato, cui Patientis maritus olim inservierat, visitare illam exoratus sum. Quam cum primò adiverim, Pulsu frequenti ac debili, perturbatis spiritibus, oppresso Pectore; suspiriis Caloreque interno, laborantem vidi. Et licet Urina ejus esset sanorum similis; Palmæ tamen caluere. Quæ omnia, ut Febris Miliaris mihi visa sunt indicia; ita & quædam Pustulæ, in illius deinde denudato pectore conspicuæ, hanc meam conjecturam comprobant. Præscripti itaque secundum meam usitatam Methodum Pulverem sequentem, sexta quaque hora sumendum.

R. Pulv. & Chel. Cancr. comp. ℥j. Croci. ℥ss. Ms. f. Pulvis.

Die 11mo Pustulæ Miliæres mirum in modum conspabantur. Unde & nox patienti

ti transit placidissime: Spiritumque perturbatio, & suspiria fuere mediocria. Præscripsi itaque ut in pulveris & Julapii usu triduum persisteret, sumeretque in languoribus Spir. C. C. guttas aliquot in potu ordinario.

Die 14to pustularum Eruptio fuit adhuc magis conspicua; languore & oppressione pectoris jam devictis. Nam præter calorem internum vix quicquam mali sensit. Forsan autem perstitit iste Calor, quod Agra diluentia, vel nondum, vel non satis potavisset. Ideoque Lactis Aquam alexiteriam instar potus ordinarii bibendam præscripsi. Et u. sumat Aquæ Theriacalis aliquot Cochlearia in haustu ejusdem: ad servandum inter potum & medicamenta æquilibrium. Præcipue, si vel languor & oppressio recurrerent, vel remitteretur Diaphoresis. Demum, ut Vesicatoria Brachiis internis applicarentur. Tam ad pustulas foelicis ampliandas, quàm ad mala quæcunque Accidentia avertenda.

Diebus 15to & 16to cum eadem esset Morbi facies, ultimò præscripta censui repetenda.

Die 17mo ex usu Aq. Lactis intermisso incidit Aegrotæ in levem Dysuriam. Statim itaque D. Hunter pharmacopœus, eoque absente alter accersitus est. Qui dum solummodo Dysuriam præ oculis haberet, Emulsionis libram bibendam misit. A cujus usu statim subsistit Diaphoresis, maximaque oppressione & Dyspnœa prehensa fuit. Tandem & me vocarunt. Sed antequam illam adiverim, de ea conclamatum est, & brevi obiit.

Ex Historia jam supra descripta patet, quàm maximum periculum in hac Febre ab errore, etiam minimo, pendere potest.

*Historia Febris Miliaris, cum Ulcere,  
Calculoque Renum.*

Febr. 27mo 1707, vocatus sum ad D. Coust, in Vico Mark Lane vulgò dicto, jam puerperam; cui D. Hunter ut pharmacopœus ministravit.

Annos aliquot sinistri Lateris dolorem sustinerat. Quem à Splene genitum plerique ob id aestimabant, quòd prope partem Lienis anticam latus occupare videretur: cum sinistri Renis antica pars esset revera affecta.

Ex Morbo Nephritico totum Aegrotæ genus Nervosum imbecillitatem aliaque vitia contraxerat. In pyralismum frequenter incidere solebat. Et per bimestre spatium ante partum passa est internum Calorem. Qui, [ ut antea monui ] sæpe & præcipue in Gravidis paulo ante partum Febrim Miliarem præcedit. Tandem, sine obstetricis ope, foetum enixa est.

Post dies aliquot dolorem primò sensit in sinistro Latere, deinde in dextro cum horrore. Postea calore & frigore alternis, sed inæqualibus intervallis, vexabatur.

Die quo illam primò visitavi, Pulsus ei erat frequens ac debilis; lingua subalba & humida, fere sanorum similis: quemadmodum & Urina, sed sine sedimento. Calor & Frigus irregulares habuere vices. In dorso manus calor erat mediocris, cum palmæ ferverent. Ut ab illa dormitura avolavit somnus; ita & Spiritus ejus

tumultuaria quadam perturbatione commoti sunt. His etiam sonitus Aurium, palpitatio cordis, Dyspnœa irregulariter repetita, maximaque oppressio cum suspiriis, accessere. Nonnunquam item tremere manus: Et à pyralismo omnino suppresso, Lochiisque parce effluentibus tum deliravit, tum motibus convulsivis levioribus correpta fuit. A quibus Symptomatis, Febrim hanc esse censui Miliarem. Et præcipue à Spirituum defectu, & pectoris oppressione cum suspiriis, mihi hujus Febris signis Pathognomonicis. Et à Dyspnœa, Tremore, & Debilitate, Febrim præcedentibus, periculosam esse intellexi.

Duplicem itaque præ oculis habui indicationem. Scilicet, excitare Diaphoresin, & ad Symptomata sigillatim respicere.

Ut priori satisfacerem; & ad Lochia restituenda, Dyspnœamque levandam, Bolus sequentem præscripsi.

R. Pulv. e Chel. Cancr. comp. Sperm. Ceti an. ℥j, Castor. gr. iv, Syr. de Mecon. q. s. Ms. f. Bolus cum Julapii sequentis haustu sexta quaque hora sumendus.

R. Aq. Ceras. nigr. ℥x, Bryon. comp. ℥ij, Sacch. albiss. q. s. Ms. f. Julapium, de quo sumat haustum ut supra, & in languoribus.

Porro ad Dyspnœam materiamque morbificam minuendum, & caput defendendum, Vesicatorium Nuchæ applicandum jussi.

Ad renovandum autem pyralismum, Sanguinemque diluendum, eoque modo pustularum egressum promovendum, & ne Dysuria ex Empl. Vesicatorio contingeret, sequens Apozema præscripsi.

R. Decocti Pector. ℔j, Aq. Paon. comp. ℥j, Syr. de Alth. Fufubin. an. ℥j. Ms. f. Apozema, de quo sumat haustum frequenter.

Et ad promovendam Diaphoresin, ut Sp. corn. C. gutt. xx. haustu Apozematis adderentur.

Deinde ad Lateris dolorem leniendum, Haustum sequentem, cum pulv. e chel. cancror. comp. ℥j, sumendum præscripsi.

R. Aq. Meliss. ℥ij, Bryon. comp. Syr. de Mecon. Ol. Amygd. dulc. an. ℥b. Ms. f. Haustus.

Et quò melius restitueretur pyralismus, quoddam Gargarisma, à patiente antea probatum permisi usurpandum.

Ad hæc omni loquacitate & Vigilantium turbâ Aegrotæ interdixi. Ut si infomnis fuerit, saltem tranquillitate fruere. Suasi etiam, ut possetum salviatum & calidulum affatim bibat, ad calorem internum minuendum, meliusque producendam diaphoresin.

Die 28vo dolor Lateris multò fuit remissior, & jam quiete jacuit, etiamsi nox sine somno præterisset. Caput etiam pacatius, & Respiratio facilior. Pulsus tamen frequens adhuc & debilis; at cum motu magis æquabili. Quin & palpitatio cordis, Tremorque persistere, & convulsivorum Motuum quædam specimina. Lenis tamen jam orta fuit & universalis Diaphoresis. Calor item externus magis regularis, & in manu ubique sui similis. Lingua & Urina eadem ac die præcedente. Et quamvis pectus adhuc fuerit oppressum, spiritusque defecerint; rariora tamen trahebat suspiria. Quibus omnibus perpensis sequentia præscripsi.

R. Pulv. e Chel. Cancr. comp. ℥j, Croci Pulv. de gutt. an. ℥b, Syr. Paon. comp. q. s. Ms. f.

*Mf. f. Bolus circa tertiam pomeridianam sumendus, & deinceps sexta quaque hora, cum Julapii sequentis haustulo.*

*R. Aq. Ceras. nigr. ℥x. Paon. comp. ℥jβ. Sacch. albiss. q. s. Mf. f. Julap.*

Et ut Apozema antea præscriptum continuaretur.

Cum verò cubicularia me jam discessuro submissiori voce fuisset allocuta, contigit ut Ægrotæ putaret illam dixisse se brevi fore manucam. Quod ei adeo perturbavit animum, ut paulò post in delirium (à quo ex primo meo præscripto huc usque immunis fuerat) de novo incidit. Pharmacopœus itaque missus est indicare mihi, quòd Domino *Cuss* gratum foret, si Medicum, jam à multis annis sibi suisque ordinariis, meis associarem consiliis: ut si forsan alio fuerim avocatus, ille in promptu esset.

Vesperis convenimus. Et statim à consultatione inita, iste Medicus, primariam indicationem pro continuanda Diaphoresi flocci faciens, Medicamentis valde calorificis opus esse urget. Quibus à me rejectis, sequentia præscripsimus.

*R. Lapid. Goens. ℥β, Oculor. Cancr. pp. ℔j, Croci, gr. v. Castor. gr. iv, Syr. Paon. comp. q. s. Mf. f. Bolus hora nona sumendus in Cochli. j, Julapii sequentis superbib. Cochli. v.*

*R. Aq. Meliss. ℥vj, Puleg. Bryon. comp. an. ℥iβ. Ocul. Cancr. pp. Marg. pp. an. ℔j, Sacchar. albiss. q. s. Mf. Julapum.*

Et ut applicentur Emplastræ Epispastica super carpis.

Martii 1<sup>o</sup> nobis narratum est, patientem, nocte præcedente insomnem fuisse; & jam inquietudine, calore, & delirio laborare vidimus: Medicamentum enim Sudorificum, Diluensque omissa fuere. Proposui itaque Antimonii Diaphoretici usum; Medicamenti, scilicet ad pustulas Miliareas emittendas, nec non ad levandum delirium, à me sæpissime probati. Ille verò, postquam diu renixus est, tandem mihi assensit; convenitque inter nos sequentia præscribere.

*R. Antimon. Diaphor. ℔j, Lap. Goens. gr. xij, C. storci grana aliquot, Syr. Caryophil. q. s. Mf. f. Bolus sexta quaque hora sumendus, cum Julapio antea præscripto.*

Et ut Emplastræ subpedalia applicarentur.

Die 2<sup>do</sup> involuntariè quidem Urina extillaverat; sed id à Vesicatoriis, ut videbatur. Domiti enim delirii loco sana mens rediit. Respiratio etiam erat facilior; Motusque Convulsivi vix quicquam sensibiles. Vidimusque pustulam quandam rubram super inspecto collo. Quod alter Medicus, hanc Febrem haud esse Miliarem, arguere contendit. Quem errorem postquam illi ex aliis Symptomatis patefecissem; concordi animo eadem quæ ultimò præscripta sunt, continuari iussimus.

Die 3<sup>io</sup> in denudato pectore Pustulas Miliareas absque ullis alterius generis conspeximus. Unde & quæque lenita sunt Symptomata. Quamvis enim per noctem pene insomnis fuisset, ex leni tamen Diaphoresi, quietudine, animique tranquillitate, & respiratione facili fruebatur.

Nihilominus ille idem Medicus, eorum loco,

quorum usu finem desideratum obtinimus, calida Medicamenta, ad Spiritus, ut aiebat, exaltandos, usurpari voluit. Ego verò, post longam disceptationem, cum assentire minime ausus sim, ipsum, ut per se faceret experimentum, permisi. Interim Pharmacopœum Cubiculariamque monui, ut horum Calidorum effectum accuratissime notarent. Ille verò sequentia præscripsit.

*R. Conf. Alchem. sine odor. ℔β, Pulv. è chel. cancr. comp. Lapid. contr. y. an. gr. xij, Salis Succin. gr. v, castor. gr. iij. Syr. e cort. citr. q. s. Mf. f. Bolus sumendus quinta quaque hora, superbib. Julap. seq. cochli. iv.*

*R. Aq. Meliss. Lact. alex. an. ℥iv, Scordii comp. ℥ij, Bryon. comp. ℥jβ. Marg. pp. D. v, Sacch. albiss. q. s. Mf. f. Julapum, sumendum ut supra præscriptum est, & pro libitu in languoribus.*

Die 4<sup>to</sup> nobis narratum est, Ægrotæ noctem valde inquietè transisse. Ita ut præ anxia quadam ægitudine sudores calidi per totum corpus ei effusi sint, & (ut asseveravit pedissequa) linea mordere cogere. Ad hæc, maximè oppresse & Dyspnœa, morbusque convulsivus magnis & frequenter repetitis afflicta fuit. Quæ omnia Pulsus frequentissimus & Vermicularis comitabatur.

Foran prædicta dosis, quoad quantitatem; non adeo calorifica videatur. Cum tamen brevioribus Intervallis, & ab Ægrotæ jam & antehac ad febrilem effervescentiam proclivi, fumeretur; & ubi Ren suo proprio Morbo fuit affectus: minor dosis, instar majoris valere potuit.

Cæterum ille alter Medicus, cum ad consultandum secesserimus, à me quæsit, quid esset tandem faciendum? Ego vero respondere haud dubitavi, locum consultandi dari nullum, nec quidem sperandi. Ille verò à sudoribus salutem promisit. E contra, eos ex Agonia & Morbi Veneno esse merè colliquavos, admonui. Demùm, post quædam alia hic illic objecta, sequentia præscripta sunt.

Applicentur Empl. Vesicat. ampla & acria Femoribus internis: Et repetantur subpedalia.

*R. Bezoar. Orient. ℔j, Antimon. Diaphoret. gr. xij, Conf. Alchem. sine odor. ℔j, Syr. Caryoph. q. s. Mf. f. Bolus quamprimum sumendus, superbib. Julapii ultimò præscripti Cochli. iv.*

*R. Tinct. Castor. ℔ij, Capiat gutt. xvj, in haustu potus ordinarii.*

*R. Decoct. albi. ℥jβ, Aq. Cinam. bord. ℥iv, Sacchar. albi q. s. Mf. pro potu ordinario.* Sed, antequam parata erant Medicamenta, Ægrotæ hæc mortua est.

In dissecto Cadavere, Intestina, ut sæpe solent, statibus valde distenta vidimus; & illorum vasa capillaria Sanguine referta. Majora verò, & præcipue in peritonei interna superficie, stagnante Sanguine, quasi nigricantia, Gangrænæ similitudinem præ se ferebant; scilicet, circa dextrum Latus, ubi nuper Ægra de dolore maxime querebatur. Nam antea Latus præcipue sinistrum ei doluit. Ideoque sinistri Renis Parenchyma conspeximus absumptum. Tunicisque purè plenas, & Calculo magno, cum quibusdam parvulis infima & antica parte positis. Ren dexter

dexter videbatur ferè sanus; & similiter Hepar, atque Uterus. Vesica verò Fellea Bile flavissima, & subtilis Lapillis distenta erat.

Ex his patet, dolorem diurnum, in recensione Symptomatum memoratum, à sinistri Renis Calculo; Hæticam autem Intemperiem, ab Ulcere, & forsan à Vesicæ Felleæ Lapillis, Bilis exitum præcludentibus, pendere: Doloremque recentem in Regione dextra à stagnante Sanguine. Qualem Dolorem, hoc est Recentem, in aliis etiam Cadaveribus Sanguinis stagnationi conjunctum semper, competi.

*Historia Variolarum cum Pustulis Miliaribus.*

Julii 15. 1705. vocatus ad Dominam Bek, D. Bek Mercatoris celeberrimæ Uxorem; quæ tum temporis, apud *Hampstedium* commorata est; cuique D. *Sverwood* erat Pharmacopœus. Hæc, cum antea perfecta valetudine usa fuisset; 13<sup>to</sup> die Julii, dolore dorsi vehementi, cum oppressione pectoris, atque altis suspiriis, Spirituumque defectu, correpta est. Ex quibus Symptomatis, Febris Miliaris signis Pathognomonis, novi hanc esse hujus generis, Pustulasque Miliarias se brevi exhibituras prædixi. Et de expectandis Variolis feci etiam conjecturam: Eò magis probabilem, quòd tum temporis longe lateque grassabantur. Consului itaque illam ad Visitationes facilitandas, in *Londonum* deferri. Et ut tutius suum iter perficeret, Pulverem ex *Bezoar. Orient. & Pulv. Chel. Cancr. comp. an. 3j*, sumendum præscripsi.

Die 16<sup>to</sup> Variolæ cum Pustulis Miliaribus interjectis emicere. Præscripsi itaque Pulv. è *Chel. Cancr. comp. 3j*, cum Julapii perlato communis haustulo, sexta quaque hora sumendum. Ad præveniendam Diarrhæam Dyspnoeamque, tum decoctum album, tum pectorale, alternis vicibus bibenda. Quibus etiam provisum est, ne Pustularum Miliarium Variolarumque materiæ emittendæ desit vehiculum: & ut melius linguæ viscositas inhiberi possit. Præscripsi etiam Astringens Gargarisma; ut ejus jusu Variolas de Faucibus repellerem.

Die 17. Pustulæ Miliaries & Variolæ numerosius extabant. Capite, Gutturæ, Thoracæ, Ventriculo, Ægra bene se habebat. Oppressio etiam, & defectus Spirituum fuere mitiores. Tantùm insomnis erat, ut Febre Miliari correpti solent. Suasi itaque ut in omnium die præcedente præscriptorum usu persisteret.

Vespere paulum delirabat. Non à Pustularum Miliarium aut Variolarum paucitate, satis enim erant numerosæ; sed ex perpetuis vigi-

liis. Ad quam Confectionem *Fracastorii*, in hac Febre vel *Laudano* vel *Diacodio* potorem, in sequente Haustu præscripsi:

R. *Aq. Ceras. nigr. ʒiij*, *Epid. ʒiij*, *Conf. Fracast. ʒj*, *Mf. f. Haustus persistens Delirio sumendus.*

Die 18<sup>vo</sup> à nocturno somno delirium pacatum fuit. Ægrotæ autem Embrionis recenter concepti Abortum, verùm absque ullo malo Symptomate, passa est. Jussi itaque ut in usu antea præscriptorum persisteret. Addendo Pulv. è *Chel. Cancr. comp. singulis scrupulis Margarit. pp. gr. viij*, quò certius & à Diarrhæa & à nimio Lochiorum fluxu præcaverem.

Vespere Variolæ satis erant conspicuæ. Ægrotæ tamen summa Pectoris oppressione, Spirituumque defectu laborabat cum suspiriis. Quæ Symptomata, cum lenem & continuam Diaphoresin indicaverint, præscripsi Pulv. è *Chel. Cancr. comp. usum sine Margaritis*, & cum Julapio seq.

R. *Aq. Meliss. ʒviij*, *Paon. comp. ʒj*, *Syr. Caryoph. ʒj*, *Mf. f. Julap.*

Suasi etiam ut persisteret in usu Apozematis Pectoralis; addendo singulis Haustibus *Spir. C. C. gutt. xx*. Tum ad levanda ex oppressione suspiria, tum ad continuandam uberiores Diaphoresin. Ubi enim per se extant Variolæ, Spiritusque elevari possunt sine Diaphoresi; sale Volatili Oleoso potius quàm Spiritu C. Cervi utor.

Die 19<sup>no</sup> Facies atque Artus paulisper tumere. Variolæ autem pleræque exsiccæ, & colore quasi corneæ videbantur. Oppressio etiam magna erat & suspiriis conjuncta; sed sine Spirituum defectu. Habita itaque ratione ad Partium & Variolarum Tumorem, & Pustularum Miliarium eruptionem, Julapium seq. præscripsi.

R. *Aq. Ceras. nigr. ʒx*, *Paon. comp. ʒʒ*, *Conf. Fracast. ʒj*, *Spec. Conf. de Hyacinth. sine odorat. ʒij*, *Syr. è Mecon. & è Cort. Citr. an. ʒʒ*, *Mf. f. Julap. de quo sumat Coch. iv, tertia quaque hora.* Eo sine, ut ex desibus, brevioribus intervallis sumptis, Ægra perpetua quietudine in lecto jaceret. Eoque modo à Frigore externo, etsi non semper Variolarum, Vesicularum tamen Miliarium, eruptioni inimico, præcaveretur. Præscripsi etiam ut, ad Tussim Dyspnoeamque saltem minuendas, in usu Apozematis pectoralis persisteret. Et cum Variolæ jam & in Collo & in toto Corpore plenè expulsæ fuerint, loco Astringentis Gargarismatis lenientem substitui.

Vespere quiete, sed pene insomnis, jacuerat. In vola Manuum, ubi Cutis valde crassa, Variolæ videbantur Vesiculæ sero limpido plenæ; in aliis partibus quasi exsiccæ. Præscripsi itaque ut in Apozematis pectoralis frequenti usu persisteret; scilicet, ad Materiam & Variolis & Salvationi præbendam. Et ad majorem cautelam, ne aut Variolæ aut Pustulæ Miliaries versus interis

interiora remeant; haustus Apozomatis, Aquæ Theriacal. Coch. j. sæpè addendum monui. Et ut Tumorem parium promoverem, hora somni Haustum sequentem bibendum.

R. Aq. Paralyf. ℥ij, Theriacal. ℥ij, Confectionis Fracastor. ℥j, Syr. de Mécân. ℥b, Mf. f. Haustum.

Die 20. omnia in eodem statu perdurerunt. Symptomata. Jussi itaque ut in usu mixturæ pacificæ antea præscriptæ quarta quaque hora peristeret: Et in usu Apozomatis, Julapii, & Gargarismatis.

Vespere, cum eadem videretur Morbi facies, eadem que prius præscripta continuanda. Et ut Julapii sequentis haustum sumeret in languoribus.

R. Aq. Meliss. ℥x, Paon. comp. Epidem. an. ℥ij, Syr. Paon. comp. q. s. Mf. f. Julapium.

Die 21. Agra ferè eadem ac antea. Id tantum jam querebatur, totum Corpus vehementer prurire. Præscripti itaque ut in usu omnium peristeret: Præcipuè, mixturæ pacificæ, ne inquietudine ex pruritu pateret frigori, eoque pustulæ Miliare recederent.

Vespere, cum in eodem statu fuisset ac matutino tempore, visum est omnia jubere continuari. Eò potius, quòd ex usu Apozomatis pectoralis Gargarismatisque frequente omisso, Salivationem (ut in Variolis siccoribus & Carneis solet) fisti viderim. Hincque patet, cur multi, circa diem à Morbi principio undecimum moriuntur. Nimirum, quòd nimis parce diluendam attenuandamque sanguinem, & materiam in Salivationem præparandam biberent. Undè & oneri succumbit Natura, faucium subditur Tumor, cum gravissima Dyspnœa, quæcunque expectorantia eludente; demumque ex Alvo semel aut bis soluta, vel mensuri effluxu, subito mortem obeunt. Calida quoque Medicamenta à multis præscripta, Dyspnœam siccoratamque Gutturis & Linguae inferendo, simili Epitogo præcludunt. Semper itaque usque ab initio, & per totum progressum Morbi, diluentia præscribo. Nec Cereviam tenuem pane tosto siccitatem prohibeo; nisi Aegritudo, vel Nausea, Vomitus, vel Diarrhœa contraindicaverint.

In difficili Respiratione, & ubi Salivatione maximè opus est, indicationes pro Medicamentis valdè calidis nullas agnosco. Cæterum, si forsan, non obstant eorum usu, Patientes evadant, viribus Naturæ referendum est. Parium extumescenciam Opiata satis benè promovent; & Salivationem diluentia. Calida autem Medicamenta, sanguinis accelerando motum, utrumque inhibent. Etenim Fermentatio & Secretio contemporaneæ, nullo modo consistunt. Cujus rei exemplum nuperrime vidi singulare in Domino Hassell, cui pharmacopæus erat D. Lancashire. Is enim, cum mali moris variolis laboraret, & ex sumpta Tincturæ Croci, vel Confect. Alchermes tantum pusilla dosi, Febris vehementius accenderetur, coctus sum oculos Cancrorum, Margaritas, & similia cum diluentibus præscribere. Quorum benigna vi Aegrotum ex orci faucibus ereptum sanavi. Sed ad historiam præ manibus jam redeo.

Die 22do intellexi generosam Mulierem, cujus hic casum narro, nocte præcedente vix dormivisse. Multum de Calore interno querebatur, palluitque Urina. Undè & Metastasis materiæ, aut Pustularum Miliarium, aut Variolarum metui. Præscripti itaque sequentia.

R. Decoll. Pectoral. depurat. Aq. Lact. alex. an. ℥ij, Theriacal. ℥ij, Mj. sumat haustum aliquoties in die.

Et quò melius, non solum Variolas, diluendo, sed & Pustulas Miliare, Spiritus roborando fovetam, Julapium cum Diafcoordio antea præscriptum, & alterum Cordiale, unà cum diluente Julapio, vicissim sumenda præscripsi.

Vespere in eodem statu peristit. Idèdque eadem Medicamenta jussi continuanda.

Die 23tio undecimo nempe à Morbi principio Aegroti incidit in aliquanto gravius quam hæstentis periculum. Nam totam ferè noctem insomnis fuerat, Potius, ut mihi videbatur, à Pustularum Miliarium vitio, quam variolarum. Præscripti itaque Pulv. e Chel. Cancr. comp. ℥j, cum Julap. perlato sumendum octava quaque hora.

Vespere ter Alvus descenderat. Jussi itaque Purgoricum antea præscriptum quamprimum repetendum. Et post singulas sedes, mixturæ cum Conf. Fracast. Coch. iv. bibenda; addendumque Decoctum album. Et ad alia Symptomata, ut sint in promptu Mucilago & Gargarisma; ne non Apozema pectorale Spiritu sulphuris leviter acidulatum.

Die 24 narratum est, Febrim totam noctem intensiorem fuisse. Facies Mænsque, sed hæc minùs, detumescere. Ad hæc præstiter Diarrhœa, defecere Spiritus, respiravit difficillimè, & Salivatio declinavit. Quibus Symptomatis ultimò præscripta methodo occurrendum censeo. Addendo Oxymelitis scillit. Coch. j. Aq. Cinam. boed. dilutum. Et ut Pulv. e Chelis Cancror. comp. Apozematisque pectoralis in usu peristeret; cum Spiritus Corn. C. gutt. xvj, in singulis haustibus Apozematis. Et in Diarrhœam, mixturam cum Confect. Fracast. statim & post singulas sedes sumendam jussi.

Vespere facilius respirabat. Verùm ex sumpto Oxymelitis scillitico aliquoties vomuerat. Julapii itaque sequentis haustum urgente vomitu bibendum præscripsi.

R. Aq. Mentha ℥x, Paon. comp. ℥b, Spir. Mentha gutt. x, Syr. Mentha. ℥j, Mf. f. Julapium.

Die 25to narratum est Patientem nocte præcedente calore febrili valdè accenso gravatam fuisse; necnon delirio, Respiratione difficili, & Diarrhœa: Minime autem modo Paroxysmi regularis. Variolas etiam ubique nigricantes, quasi Gangræna tactas, apparuisse. At cum mane accederem, Symptomata hæc vidi maximè diminuta, & Vomitus penitus suppressus. Ad Tracheæ autem, quam nunc passa est, strangulationem, Pilulas sequentes sumendas curavi.

R. Castor. gr. vj, Asa fœtid. gr. xij, Syr. Paralyf. q. s. Mf. f. Pil. n. vj. Et ut peristeret in usu ultimò præscriptorum.

Vespere Exacerbatio febrilis, cum Vigiliis, delirio, dyspnœa, Sedibus, Motibusque Convulsivis, fuit repetita. Emplastra itaque subpedalia, Vesicatorium inter Scapulas; Bolumque cum Julapio sequentem præscripsi.

R. Sperm. Ceti, e Pulv. Cancr. comp. an. ℥j, Laud. Lond. gr. j, Syr. Paralyf. q. s. Mf. f. Bolum sumendum statim, superbibendo Julap. seq. Coch. iv. & deinceps per intervalla.

R. Aq. Ruta, ℥x, Paon. comp. ℥ij, Sacchar. alb. q. s. Mf. f. Julapium. Ut peristat in usu Apozematis pectoralis, & mixtura cum confect. Fracast. pro re nata.

Die 26to intellexi nocte Agram perturbatam fuisse inquietudine & delirio, nec non sedibus, spirituum defectu; sed sine suffocatione. Imperavi itaque ut in usu ultimò præscriptorum peristeret.

Vespere calor exacerbatio renovatur. Mitius autem deliravit, sedesque paulò restrictæ sunt. Præscripti itaque omnia continuanda; & urgente delirio, Vesicatoria Brachiis applicanda.

Die 27to relatum est, noctem Aegrotam pessimè sustinuisse. Nam ex reaccensâ Febris deliravit cum suffocatione. Quamobrem & Curatrix præscripta Vesicatoria apposuit: Et ex vesicis apertis tam Febris quam Delirium multum levabantur. Jussi itaque ut Tinctura Corticis Peruviani in promptu esset. Interim ad sumendum sedandam, ut Lactis Aquam alexic. Saccharo edulcoratam biberet, & peristeret in usu reliquorum præscri

præscriptorum pro re nata.

Observandum est, post apertas Vesicas Emplastris excitatas, Salvationem fuisse redintegratam, & ad diem hinc usque quartum persistisse. Unde constat, in Variolis, durante Salvatione, Medicamenta calida minime ad rem esse; nisi magnum aliquod Symptoma indicaverit; & jam tunc multum ea debere esse diluata.

Eodem die circa Meridiem ad Patientem accedens, vidi illum, Inquietudine, Delirio, Dyspnoea, Suffocatione, Sedibusque imminem. Calorem solummodo sensu internum; illius, qui Febri Miliari, vel Corticis Peruviani in Febre intermittente præpropere usui succedit, non ab similem. Ad quem præscripti Margar. pp. ʒj. quinta quaque hora sumendum, cujus efficaciam, ad hujusmodi calorem extinguendum, frequenter expertus sum.

Vespere Febrilis calor erat expertus, nondum tamen Alvus substitit. Volui itaque ut sumeret perlarum pulverem in forma Boli, quo in Ventriculo & Intestinis diutius maneret, transiretque melius in venas. Et ut decoctum album Mixturamque ex Conf. Fracast. &c. in promptu haberet.

Die 28<sup>vo</sup> minus caluit, sedesque pauciores sunt. Nec recurrere reliqua mala symptomata. Præscripti itaque ut in usu Decocti albi, Bolique cum Julapio sexta quaque hora persisteret:

Vespere in eodem statu erat laudabili quo mane. Ne tamen à Vesicarum Ulceribus, nimis citò desiccatis, morbificæ materiæ pars superesset, jussi Vesicatoria pone Aures applicanda. Scilicet ut Cathartici vicem explerent, donec Purgatio per Alvum foret tempestiva. Et ut Julapii & decocti albi usus continuaretur.

Die 29<sup>no</sup> similiter ut pridie se habuit. Quemadmodum & diebus 30<sup>mo</sup> & 31. Quapropter & jussi, ut in usu Pilularum ex Asâ foetida &c. & Julapii persisteret. Et hoc die 31<sup>mo</sup> præscripti Pilulæ Stomachicæ cum Gum. ʒb. hora somni sumendam, & manè seq. Syr. Rosacei solutivi ʒj.

August. 1<sup>mo</sup> ter quaterve Alvus laxa fuit bonis avibus.

2<sup>do</sup> Usa est Julapio & Pilulis de Asâ foetida, &c.

3<sup>io</sup> & 4<sup>to</sup> & deinde 5<sup>to</sup> & 6<sup>to</sup> Pilulas Catharticas & Syrupum repetendo, à Morbo periculossimo omnino convaluit.

*Historia Febris Exitialis, ubi Ager statim à principio suâ voce fuit privatus.*

**C**ircâ quintam diem Octobris 1709. digniss. Viri D. *Gulielmi Morisoni* Armigeri Filius, sedecim annos natus, Temperie biliosus, & in iracundiam aliisque Animi Pathemata facile accensus, Febre correptus est. In quâ Tempestate, ab aliquot antea hebdomadis, Febris maligna Londini grassata fuerat.

Cum primùm illum visitaverim, nulla pars ei doluit. Neque ulla Vomitione, aut Ventriculi Aegritudine, Emetici usum indicante, tentabatur. Pulsus erat frequens ac debilis. Et usque à Morbi principio magnâ loquendi difficultate, cum stupore affectus est. Quibus accessere Tremores subsultusque Tendinum; lingua arida & subnigra; Urina coloratior & clara, & ut plurimum involuntariè emissa, cutisque calida & sicca.

Hac pessimorum Symptomatum apparente Syndrome, accitus est D. D. *Greov.* Præscripsimus Alexipharmata ex *Serpentariæ Radice*, *Bezoar*, &c. & paucos post dies maculis rubris & purpureis Aegroti cu-

ticula, imprimis super Pectus, Crura, Tibiasque, scedata fuit. Hæc Symptomata, aliquando paulò mitiora, dies quatuordecim prævalebant. Postea evanescere maculæ, creveruntque adeò Motus Convulsivi, ut Ager plures dies moribundus videretur.

Ferè in Morbi principio Emplastrum Vesicatorium capiti applicandum jussimus; ex quo recolligere mentem, & quodammodo balbutire cepit. Deinde & in Morbi progressu artubus universis alia apponenda; imò & aliquibus renovanda. Semper enim exsiccatis Vesicarum Ulceribus ferociùs ingruerant Symptomata.

Deinceps, cum dies aliquot eadem Vesperi exacerbari videremus, Corticis Peruviani tunc pulverem tunc Infusum, minore Dosi visum est præscribere. Unde motus Convulsivi suppressi sunt. Aegrotus tamen, cujus vires & ipsa caro absumptæ fuere (ita ut in coxâ, in quam cubabat, Sphacelismus generetur) tandem fato cessit.

Notatu non indignum est, quòd Morbi decem aut duodecim ultimis diebus, adeò foetidè spiraret perspiraretque Aegrotus, ut cubiculum odoratis fumigare necessum esset. Et ego ipse, dum paulò propius illi, in os meum respiranti inclinarem, subito Aegritudine & Languore correptus, horas aliquot in patulis agris vehi coactus sum; & inde rediens Vinum Hispanicum Montanum assatum inter prandium bibere.

Dilectum est cadaver perita manu D. D. *Douglass.* Super pectus fusci coloris macularum congeries adhuc erat conspicua. In Arteriis Venisque in Abdomine magis conspicuis, nil contentum erat, præter *Sphæribus* nigricantis Sanguinis, mediis spatiis sero omnino vacuis. Haud equidem vulgare spectaculum. Vel quòd rariùs contingeret, vel ex Febris mortuorum, rariùs dissecarem Cadavera. Etiam si hinc constet, hujusmodi cadaverum, æquè ac aliorum, Anatomem, haud mediocri ex usu fore. Proindeque hanc Febris, licet alterius generis, Historiam apposui; tunc ut exhiberem exemplum, ad Tractatus prioris Appendicem referendum; tunc ut Alios alia hujusmodi Exempla, in communem Medicorum usum funderem proferre. *Haltens DAVID HAMILTON.*

## JO. MARIE LANCISII

Intim. Cubicul. & Archiat. Pontificii

### LIBER Complectens V. EPIDEMIAS

Perniciosarum, & Castrensiarum Februm, quæ diversas Pontificiæ Ditionis Urbes penè vastarunt.

*Premissis iis quæ ex eodem Clariss. Autore, salutaria sunt paludum accolis: & quorum usû effluviis minus ladi possunt.*

**C**um salubris aër, vicissim respiratione acceptus, remissusque, nostra fluida blandè premat, miscet, dividat, subtiliora, levioraque reddat: undè vigor, & sanitas solidis etiam partibus accedit: insalubris contra, ex palustribus præsertim halitibus, eadem liquida, atque inde totum hominem multifariam labefactet; locus se aperit, ut prophylacticum ostendamus vitæ regimen, quo quis propè lacunas, & stagna habitare coactus, sese à praviseorum exhalationibus utcumque tueri possit. Rectè enim M. Varro *graviora* inquit, *quæ ex cali, terraque insalubritate oriuntur mala, per nostram diligentiam leviora feri possunt.*